



CAft ta destaca cu e maneho financiero no ta na ordo ainda

Pagina 2

- **Evelyn Wever-Croes
a keda e vote getter
di eleccion 2024**

Pagina 4

- **TikTok ta cada biaha
mas cerca na un
posibel prohibicion
na Merca**

Pagina 16

- **Cambio den prijs
di productonan
petrolero 11
december 2024**

Pagina 19

Wendrick Cicilia:

“Comunidad ta desea pa un
coalicion entre partido AVP y
partido Futuro”



Pagina 3

Casonan di dengue ta yega record nobo
den e continente Americano



Pagina 7

Legisladornan
Ruso ta avansa
legislacion
kitando e
designacion di
terrorista pa e
Taliban



Pagina 24

Den su reaccion tocante e uitvoeringsrapportage CAft ta destaca cu e maneho financiero no ta na ordo ainda

Na fin di november Colegio di Supervision Financiero (CAft) a manda su reaccion riba e uitvoeringsrapportage (UR) pa e di dos kwartaal di 2024 pa minister demisionario di Finanzas, Xiomara Maduro.

Riba 18 di november 2024, CAft a ricibi e UR di Aruba pa e di dos kwartaal di 2024. Dia 28 di november CAft a manda su reaccion pa minister Maduro den cual nan ta duna un splicacion mas amplio tocante nan reaccion,

Primeramente CAft a remarca cu e maneho di presupuesto cauteloso ta dunando su fruto. Nan a splica cu a base di e di dos UR ta muestra cu Aruba ta cumpli ampliamente cu e standardnan pa e saldo di financiamiento y pa e proporcion di debe. Nan ta sigui splica cu e saldo di financiamiento ta basa riba e cifranan aki te hasta 3.9% di e GDP. Esaki, CAft ta destaca, ta satisface e requisito di compensacion di deficit.

Nan ta agrega tambe cu por lo pronto gobierno demisionario a cumpli cu e norma di gastonan di personal. Sinembargo, CAft ta señala, cu e UR no ta duna un bista actualisa riba e situacion financiero y economico di Aruba avor cu e UR a bolbe ser entrega despues di e deadline legal.

Puntonan importante di atencion cu e Consejo ta destaca cu ta keda ta e gastonan halto di interes y e gastonan di interes significativo cu ta spera e sub-agotacion di e presupuesto di inversion. Nan ta subraya cu ta imperativo pa Aruba sigui traha riba alivia e peso di interes. CAft ta resalta cu un agenda di inversion di varios aña ta necesario pa logra uso efectivo y eficiente di e recursonan di inversion reserva.

Den su reaccion CAft ta pidi pa gobierno cumpli cu algun punto. Como punto nan ta pidi pa gobierno demisionario provee e di tres UR mas pronto posibel y e resultado presupuesta di e sector colectivo den e di dos amienda di presupuesto adopta (BW) 2024 basa riba e cifranan di realizacion mas recien.

E Consejo ta pidi tambe pa inclui un diferenciacion di e



debe di e sector colectivo den e di tres UR.

Ademas nan ta pidi pa pone atencion explicito na e desaroyo multi-anual di gastonan di personal relaciona cu e norma y di e relacion di debe di e sector colectivo.

Di cuater punto cu CAft ta pidi ta pa yega na un programa di maneho di riesgo di presupuesto adecua cu ta inclui e riesgonan integralmente den e presupuesto y den e rapportnan di implementacion.

Por ultimo e Consejo ta pidi pa promove e eficiencia y efectividad di inversionnan pa medio di esaki trahando pa implementa un agenda di inversion di varios aña.

Pa loke ta e saldo di financiamiento CAft ta splica cu e saldo di financiamiento di e sector colectivo ta suma na AWG 297 miyon of 3.9% di e GDP miyon despues di e di dos kwartaal, locual nan ta señala hopi mas halto cu e norma di 1% di GDP y e 2.6% cu ta sigui for di e NJN.

E Consejo ta destaca cu aunke e beneficiarian di tereno den NJN a aumenta caba, nan ta anticipa surplusnan mas halto pa fin di 2024 na e Seguro General Medico (AZV) y na Banco di Seguro Social (SVb), principalmente debi na mas entradanan di prima y entradanan di impuesto riba omzet di negoshi (BBO) na frontera.

CAft ta indica cu esaki ta enfatisa e importancia di finalisa

e tumamento di decision riba con e surplusnan di AZV y SVb ta ser usa pa pago di debe y ta remarca cu despliegue di e surplusnan pa 2023 lo resulta den un reduccion di debe di AWG 100 miyon.

Pa loke ta trata e proporcion di debe, CAft ta resalta cu pa prome biaha desde e implementacion di e LAft modifica, e UR ta presenta e relacion di debe di e sector colectivo. Esaki ta nifica, e Consejo a splica, cu ta tuma accion di acuerdo cu e LAft y ta duna substancia na e consejo anterior di CAft. Nan ta conseha mas diferenciacion pa pais y otro entidadnan ser inclui den e UR.

CAft ta indica cu debi na surplusnan substancial, e proporcion di debe ta hopi bou di trayecto di reduccion di e proporcion di debe cu ta conduci na e norma di debe di 50% di GDP na 2040.

Nan ta señala cu e debe di e sector colectivo ta suma AWG 5.480 miyon despues di e di dos kwartaal of 72% di GDP. Esaki lo resulta den un debt ratio di 70% di GDP caba e aña aki.

Pa loke ta trata e gastonan di personal, CAft ta indica cu e gastonan di personal lo suma na 4.0% di GDP despues di e di dos kwartaal. Ta premira cu Aruba lo haci esaki e aña aki, a pesar di e aumento di gastonan di salario pa motibo di indexering, y lo cay bou di e plafond di 10% di GDP. Con e gastonan di personal ta desaroya te cu 2027 (ora e

plafond ta aplica) e Consejo ta menciona no ta cla ainda.

Pa haya un miho bista di e desaroyo di gastonan di personal, CAft ta indica ta necesario un bista general di e desaroyo di varios aña ta necesario.

CAft ta sigui splica cu e gastonan di interes persistentemente halto di 17% di e presupuesto ta limita e flexibilidad di e presupuesto nacional. Nan ta resalta cu e desaroyo mas leu di gastonan di interes ta altamente dependiente di e tasa di interes (Mericano) y e resultado di e negociacionnan entre Hulanda y Aruba riba un cuadro di supervision nobo.

E Consejo ta destaca cu pagonan ta keda importante pa motibo di e gastonan halto di interes. Ademas, acuerdo riba un cuadro nobo di supervision den combinacion cu e uso di surplusnan na e otro entidadnan ta duna alivio substancial di interes (mas o menos AWG 100 miyon di spaar pa aña pa 2029).

CAft ta remarca cu despues di e prome seis lunanan solamente 5% di e presupuesto di inversion a ser usa pa inversionnan. E causa ta un escasez di capacidad den sector priva cu mester implementa e inversionnan y limita capacidad den servicio di gobierno.

P'esey CAft ta anticipa un sub-agotamento significativo di e presupuesto di inversion. CAft ta conseha pa traha un agenda di inversion di varios aña. Esaki, nan ta subraya,

por yuda cu e uso efectivo y eficiente di recursonan di inversion.

Pa loke ta trata riesgonan presupuestario, CAft ta destaca cu un gran parti di e tareanan di Gobierno di Aruba ta ser ehecuta door di entidadnan cu ta na distancia di e gobierno nacional. Debi na e falta di cuentanan anual actual cerca un cantidad grandi di entidadnan gubernamental, no tin suficiente bista riba e saldo financiero di e entidadnan aki y e efectividad di nan servicicionan.

Esaki, CAft ta remarca, ta crea riesgonan pa presupuesto di pais Aruba y ta haci e supervision di parti di Parlamento mas dificil. Ademas, nan ta agrega no ta cla con Aruba ta prepara pa retonan grandi manera enbehecimento, cambio di clima y transicion di energia. E Consejo ta destaca cu ta importante pa Aruba tin identifica riesgonan presupuestario aki y ta aclaria con e riesgonan aki ta ser atendi. E instrumento desaroya door di IMF por a ser usa pa esaki.

CAft ta destaca cu e maneho financiero no ta na ordo ainda. Nan ta indica cu e UR ta ser entrega laat structuralmente for di 2021 y e cuentanan anual adopta mas recientemente ta di 2018. Nan ta resalta cu un entrega na tempo di e rapportnan aki y adopcion di e cuentanan anual ta fortifica e bista di e Estadonan riba e bienestar financiero y economico di e pais. Esaki, e Consejo ta enfatisa ta di importancia pa eheericio di e derechonan presupuestario di Parlamento.

Por ultimo nan ta subraya cu den e contexto di esaki Landspakket Aruba ta trahando pa mehora e maneho financiero. CAft ta mira e desaroyo aki cu confiansa u ta enfatisa e importancia di proteccion sostenibel di resultadonan.



WWW.BONDIA.COM

Wendrick Cicilia: “Comunidad ta desea pa un coalicion entre partido AVP y partido Futuro”

Ayera lidernan di partidonan politico cu a resulta e partidonan ganador den eleccion di diabierna ultimo a reuni cu su Excelencia Gobernador di Aruba, Alfonso Boekhoudt. Pa partido AVP, candidato number uno riba lista, Wendrick, tabata esun encarga pa asisti na e consulta cu Gobernador. Despues di e reunion Cicilia a duna un declaracion na medionan di prensa presenta pa informa tocante varios punto di importancia.

Cicilia a indica cu di parti di partido AVP el a acudi na e consulta cu gobernador cu un sentido positivo y a remarca cu despues di resultado di eleccion partido AVP “ta sinti cu nos a ricibi e yamada pa goberna pais Aruba.”

El a splica cu durante e consulta el a discuti riba diferente topico cu Gobernador, manera entre otro resultado di eleccion, pero tambe e diferente posibilidadnan cu ta existi.

El a sigui splica cu di parti di partido AVP el a trece diferente punto importante pa dilanti y aworaki ta e momento pa inicia un trayecto pa nombra un informador cu ta bay e persona encarga di cuminsa cu e discusionnan cu e partidonan pa sondea y explora e posibilidadnan di gobernacion.

“Di nos banda nos ta mira cu tin suficiente base di e resultadonan di eleccion, kico comunidad ta desea y nos ta mira cu comunidad ta desea pa un coalicion entre partido AVP y partido Futuro cu ta esnan cu a sali cu un resultado hopi positivo for di e contienda electoral,” el a re-



marca.

El a enfatisa cu for di resultadonan di eleccionnan a saca e conclusion cu comunidad di Aruba ta desea di mira un cambio di direccion y ta mira den direccion di partido AVP y Futuro pa forma un proximo gobierno y esaki ta loke AVP a comunica tambe na Gobernador di Aruba.

Cicilia a indica cu partido AVP, como e partido mas grandi den eleccion di diabierna ultimo, tin e privilegio di presenta un candidato pa e posicion di informador y el

a informa cu partido AVP ta desea di mira Sr. Rene Herde den e posicion aki pa e procesonan venidero cu lo mester inicia y cu lo culmina den e firmamento bereidheidsverklaring (declaracion di preparacion) di formacion, despues ta bin e onderhandelingscommissie (comision di negociacion), despues ta sigui e proceso nombra un formador cu lo sigui dirigi e proceso pa formalisa e formacion di gobierno.

Pa loke ta e posibel coalicion entre AVP y Futuro, e puntonan en comun entre ambos partido, el a splica cu si mira y evalua diferente topico, e temanan cu a bin dilanti den e ultimo eleccion ta temanan basa riba bestaanszekerheid, costo di bida, forsa di compra y capacidad pa inverti di e ciudadanonan.

“Hopi di nos hendenan no ta biba den libertad economico, tin un situacion hopi preocupante financiero unda personanan ta traha un of dos trabou pa sobrevivir. Esaki ta temanan cu ta uni nos tur y nos ta sinti cu e maneho di gobierno aworaki mester en-

foca riba crea y fortifica posicion financiero di e hendenan,” el a enfatisa.

El a agrega cu tin otro temanan cu tambe tin atencion, manera por ehempel vivienda, transicion energetico, sostenibilidad y enseñansa. El a resalta cu diferente tema en comun cu varios partido a hiba discusion riba dje, pero di parti di AVP nan ta mira tambe cu nan a propone diferente vision den e proceso electoral cu ta importante. El a menciona, entre otro, e formacion di un investeeringsfonds (fondo di inversion) pa crea pa mas espacio financiero pa inverti na Aruba, y e concepto pa introduci un Centraal Plan Bureau.

“Tin diferente tema cu nos a presenta cu pa nos ta hopi importante cu nos ta sinti tambe cu lo mester ta importante pa otro partidonan cu ta involvi den e proceso aki,” el a subraya.

Pa loke ta e duracion di e proceso, Cicilia a splica cu di experiencia e proceso lo por tuma su trayecto. El a indica cu na e momentonan aki, interpretando e resultadonan di eleccion, por mira cu comunidad di Aruba a responde y a deposita na confiansa den esnan cu nan ta sinti culo mester forma un proximo gobierno. El a enfatisa cu AVP ta sinti cu tin suficiente base pa forma un coalicion entre AVP y Futuro.

Tin diferente posibilidad pa loke ta formacion di gobierno y Cicilia a resalta cu mester bay explora e posibilidadnan aki. El a indica cu esaki ta e fase inicial di exploracion y basa riba e resultadonan par-

tido AVP ta sinti su mes yama pa goberna pais Aruba.

“Mester enfoca riba percura cu tur locual nos a haci, tur nos esfuersonan di awe bay pa dilanti ta percura pa Aruba gana y nos ta sinti cu ta bay ta un proceso largo, ta bay ta un proceso cu tin su complejidad cune pero nos ta consciente cu di nos parti lo haci tur nos esfuersonan pa percura cu comunidad Aruba ricibi locual e ta anhela,” el a destaca.



Pa loke ta e nombramento di un formador, el a splica cu e proceso tin cu cana stap pa stap. Ayera a inicia e procesonan di consulta y a base di e consulta cu ta ser haci cu diferente lider politico, diferente organisacionnan politico cu a ricibi sosten di comunidad y asiento den Parlamento di Aruba ta inicia e proceso pa nombra un informador y despues ta sigui cana e proceso caminda e informador mester sinta, evalua y explora e posibilidadnan pa yega na un proximo gobierno.

El a destaca cu na momento cu e discusionnan aki inicia ya caba por ricibi un bista mas claro ken ta esnan yama pa por propone un formador.

Por ultimo, e pregunta cu hopi ta haci, si Cicilia lo bira minister of parlamentario. El a enfatisa cu e ta un pregunta hopi cardinal y alabes a ratifica su compromiso cu Aruba. “Mi ta haci un compromiso for di mi curason cu norma y balor pa no defrauda mi comunidad y mi ta asumi confiansa aki cu hopi responsabilidad, cu hopi humildad, cu hopi cariño, cu hopi gratitud,” el a expresa.



Evelyn Wever-Croes a keda e vote getter di eleccion 2024



Dialuna anochi, Consejo Electoral a publica e resultadonan individual di ultimo eleccion parlamentario na Aruba, cu a tuma lugar dia 6 di december ultimo. E vote getters di mas grandi tabata prome minister demisionario, Evelyn Wever-Croes (MEP), sigui pa ex-premier Mike Eman (AVP) y e number 1 riba lista di AVP, Wendrick Cicilia.

Partido AVP

Wendrick Cicilia (4,894), Mike de Meza (1,476), Arthur Dowers (1,075), Stephany Sevinger (1,347), Mervin Wyatt (652), Jennifer Arends (507), Clifford Heyliger (295), Sonaly Fernandez (396), Carlos Bermudez (230), Alfred Sneek (234), Otami Thomasia (253), Jonathan Hart (108), Dennerich Kelly (195), Jamilah de Mey (69), Pedro Croes (80), Christopher James (106), Cornelia Aventurin (57), Maria van der Biezen (42), Jilianne Lopez (61), Diana Dorival (70), Clyde Burke (77), Jennifer da Costa (34), Madelene Kelly (31), Adeline Falcon (59), Astrid Vries (28), Ferdinand Franca (40), Norman Roos (97), Zuleika Wever (82), Mike Eman (5,277). Total 17,872 voto.

Partido MEP

Evelyn Wever-Croes (6,474), Dangui Oduber (2,714), Xiomara Maduro (1,053), Endy Croes (1,662), Rocco Tjon (1,035), Hendrik Tevreden (771), Edgard Vrolijk (505), Shailiny Tromp (348), Setty Christiaans (262), Alvin Molina (125), Sharissa Arends (347), Rodymar Geerman (302), Marco Berlis (218), Aldrin Lampe (186), Natalie Geerman (352), Roderick Hoek (155), Shannon Henriquez (98), Erwin Lopez (143), Erich Genser (103), Michella Steenvoorde (52), Nataly Arends (28), Shirley Rafini (151), Stephanie Croes (15), Jaime Winterdaal (16), Nolan Thomas (36), Juancito Geerman (120), Jeffry Schullenburg (92), Rene Kock (75), Marceylaine Paskel (122). Total 17,560 voto.

Partido Futuro

Gerlien Croes (4,492), Geoffrey Wever (1,903), Gino Goeloe (297), Ruthlyn Lindor (176), Muzannin Wever (72), Gregory Ras (86), Jeremy Erasmus (147), Rondel Heyliger (66), Ransela Lopez (49), Omar Quandus (63). Total 7351 voto.

Partido PPA

Otmar Oduber (2419), Eduard Pieters (148), Lisette Winklaar (106), Rudy Richardson (113), Rigoberto Sint Jago (113), Marc Fowler (121), Ainsley Kelly (68), Emily Calderon (24), Ilidio Dumfries (57), Arthur Panneflek (52), Charles Bennett (59), Edgard Suñe (21), Kevin Yee (156), Shanwar Briezen (24), Wilston Tavaréz (28), Jacqueline Woodley (29). Total 3,538 voto.

Partido Raiz

Ursell Arends (1,041), Misha Raymond (501), Randall Leong (148), Raymond Kampervén (119), Carlos Guiano (185), Twyma van der Biezen (51), Aron Verschuur (57), Luigi Rasmijn (22), Marisabelle Croes (52), Anouk Balentina (109), Kinsasha van der Blik (39). Total 2,324 voto.

Partido MAS

Marisol Tromp (1,300), Aquanette Gunn (108), Gilmar Werleman (105), Arthur Kelly (71), Michel Mungra (40), Mohamed Mahawat (50), Arthur LaMoria (53). Total 1,727 voto.

Partido Accion21

Miguel Mansur (1,825), Zoraida Conijn (216), Joase-Ann van der Biest (50), Gerald Vingal (30), Hans Zaandam (24), Abigael Arends (12), Flora Petronilia (16), Raymundo Dijkhoff (17), Antonius Schouten (13). Total 2,203 voto.

Partido Lucha pa Reforma

Rycond Santos do Nascimento (994), Wild, Renee (43), Yulieth Roos (43), Francis Malca (130), Vivian Parejo (46), Dionne Jie Sam Foek (36), Michael

Lopez (57). Total 1,349 voto.

Partido RED

Ricardo Croes (384), Randolph Kock (53), Oriana Baez (40), Fejite Zijlstra (15), Thomas Ruiz (10), Jairzinho Tromp (15), Aaron Giel (7), Francisco Mejia (14), Victoria Perez (8), Armando Lampe (89). Total 635 voto.

Partido HTC

Gilbert Webb (450), Victor Rosario (25), Lino Croes (13), Roberto Tromp (17). Total 505.

Partido Curpa

Eric Ras (292), Arondino Croes (30), Ashan Tromp (27), Max Robert (32), Janeth Orozco (18), Lawrence Hector (5), Renato Vrolijk (19). Total 423 voto.

Top 10 cu mas voto

Evelyn Wever-Croes (6474) - MEP
Mike Eman (5277) - AVP
Wendrick Cicilia (4894) - AVP
Gerlien Croes (4492) - Futuro
Dangui Oduber (2714) - MEP
Otmar Oduber (2419) - PPA
Geoffrey Wever (1903) - Futuro
Miguel Mansur (1825) - Accion 21
Endy Croes (1662) - MEP
Mike de Meza (1476) - AVP

Bottom 10 cu menos voto

Lawrence Hector (5) - Curpa
Aaron Giel (7) - RED
Victoria Perez (8) - RED
Thomas Ruiz (10) - RED
Antonius Schouten (13) - Accion21
Lino Croes (13) - HTC
Renato Vrolijk (19) - Curpa
Flora Petronilia (16) - Accion21
Jaime Winterdaal (16) - MEP
Jairzinho Tromp (15) - RED

Editor

Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #13307728

Operations Manager

Mariette Engelhart

Redaccion

noticia@bondia.com

Pilar Flores (hefe di redaccion)
Angenette Figueroa (closer editor)
Leo Maduro
Raisa Montilla
Oriana Geerman

Ehecutivo di Benta

Sulaika Croes
sulaika.croes@cspnv.com
Mark Gomes
mark.gomes@cspnv.com

Aviso y Arte

Sandra Loefstop

Lisa Tromp

Departamento Digital

Juan Luis Pinto

Administracion
accounting@bondia.com

Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)
Pablo Libre

Press

Roland Schenker (Hefe)
Omar Ramirez
Martin Boekhoudt
Francis Dirksz

Colaboracion

Associated Press
Ret Karibense
Data Key

Afiliacion

Sociedad Interamerica
di Prensa (SIP)

DIRECCION

Adres: Weststraat #22
Tel: 582-7800
Email: noticia@bondia.com
aviso@bondia.com
info@bondia.com
Website: www.bondia.com
Facebook: @bondianoticia
Instagram: bondiaaruba

BON DIA ARUBA ta un corant
redacta y imprimi na Aruba y ta
obenibel di dialuna te cu diasabra.
Ningun contenido por wordo reproduci
sin permiso di editor.

E aña aki a conmemora e di 76 aniversario di Dia Internacional di Derechonan Humano

Ayera 10 di december 2024 mundo a celebra e di 76 aniversario di Dia Internacional di Derechonan Humano. Tur aña rond mundo riba e fecha aki ta conmemora e aniversario di un di e promesanan mundial mas pionero di mundo: e Declaracion Universal di Derechonan Humano (UDHR).

E documento historico aki ta consagra e derechonan absoluto cu tur hende tin derecho riba dje como ser humano sin importa nan rasa, color, religion, sexo, idioma, opinion politico, origen nacional of social, propiedad, nacemento of otro status.

E Declaracion Universal di Derechonan Humano a ser proclama pa e Asamblea General di Nacionnan Uni dia 10 di december di aña 1948, na Paris, Francia, y a stipula, pa prome biaha, derechonan humano fundamental cu mester ser protegi universalmente.

Como un "norma comun di logro pa tur pueblo y tur nacion", e Declaracion Universal

di Derechonan Humano ta un plan global pa ley y politica internacional, nacional y local, y ademas ta un fundeshi di e Agenda 2030 pa desaroyo sostenibel.

Tur aña e conmemoracion di Dia di Derechonan Humano tin un tema specifico. Aña pasa, 2023, a conmemora e di 75 aniversario di e Declaracion Universal di Derechonan Humano y tabatin como tema "Dignidad, libertad y husticia pa tur persona."

Pa aña 2024 e tema ta: "Nos derechonan, nos futuro, awor." E tema aki ta destaca con derechonan humano por empodera individuo- y comunidadnan pa forma un miho mañan door di brasa y confia e poder completo di derechonan humano como e caminda pa un miho mundo.

"E Dia di Derechonan Humano aki nos ta enfoca riba con derechonan humano ta un trayecto pa solucionnan, hungando un rol critico como un forsa preventivo, protector y transformativo pa bon. Manera Secretario-General di Nacionnan Uni, António Guterres, a bisa; 'Derechonan



humano ta e fundeshi pa sociedadnan pacifico, husto y inclusivo," Organisacion di Nacionnan Uni a destaca.

Aruba

Den luna di october e aña aki e organisacion cu ta defende derechonan humano, Amnistia Internacional, a presenta un rapport cu ta contene e conclusionnan di e prome investigacion di Amnistia Internacional riba e realidad di Venezolano- nan cu ta pidi asilo na Aruba.

E rapport ta resalta e falta di legislacion specifico di asilo na Aruba, problemanan cu detencion migratorio, y preocupacionnan pa cu e trato di e solicitantenan di asilo Venezolano, incluyendo muchanan. Tambe ta atende e envolvimiento di Hulanda den asistencia na Aruba, specialmente e practicanan di deportacion, treciendo preocupacion riba posibel violacion di principionan di derechonan humano.

E organisacion internacional ta subraya cu Aruba, por ehempel, mester a tene na e Convencion di Nacionnan Uni relaciona cu e Status di Refugiadonan (Convencion di Nacionnan Uni tocante Refugiadonan) y respeta obligacionnan estableci, incluyendo e principio di no-devolucion,

cu ta prohibi transferencia di hende pa luganan caminda nan por enfrenta persecucion, tortura of otro violacionnan serio di derechonan humano.

Otro tratadonan, manera e Convencion Europeo pa Proteccion di Derechonan Humano y Libertadnan Fundamental (ECHR) y e Convencion contra Tortura y Otro Tratamento of Castigo Cruel, Inhumano of Denigrante (CAT), tambe ta conta pa Aruba

Amnistia Internacional ta destaca cu a pesar di ta somet na e Convencion di Refugiadonan di Nacionnan Uni, Aruba tin falta di legislacion specifico pa asilo, y hendenan cu ta busca proteccion ta somet na ley di inmigracion standard. Nan ta agrega tambe cu no tin un politica exclusivo pa muchanan refugiado cu ta busca proteccion, haciendo muchanan tin cu pasa den e mesun proceduranan di asilo cu adultonan.

Aunke tin progreso cu mester tuma luga den diferente aspecto pa lora ta trata derechonan humano na Aruba, di otro banda algun stapnan positivo a ser tuma e aña aki despues cu Corte Supremo na Den Haag a dicta sentencia na favor di legalisacion di matrimonio igualitario na Aruba.



LOTTO 5

Afl. 130.000,-

Obtenibel na cualkier rebendado di Lotto.

Cuminsando cu 4 florin, bo por gana e suma grandi aki

sorteo ta awe nochi 7:45 pm

HUNGA AWO



Aruba mester di Innovacion “Radical & Outside the Box”

Na prome luga nos mester ta agra-
decido cu nos ta biba den un democ-
racia y cu nos vota ta bay traduci su
mes den un gobierno nobo. Den mi
columnanan prome cu eleccion a
purba introduci un vision di bien-
estar general pa nos pueblo cu ya
caba ta posibel si nos wak diferente
ehempel tecnologico rond mundo.
Esta e bright side di e storia.

Na otro banda nos ta wak si cu probale-
mente lo bin mas inflacion internacio-
nal dor di varios factor geopolitico. Cu
lastimamente ta escalando severamente,
por ehempel e relacion entre China
y Taiwan, Europa den caos politico y
diferencia global entre rico y pover.
Esaki ta e otro parti di e balans.

Cua Gobierno cu sinta mester pensa
“Outside the Box”.

Debi na trendnan inflacionario inter-
nacional, e diferencia grandi y creciente
entre rico cu pover. Hopi pais a cum-
insa sinti presion politico interno. Ta
obvio cu full rond mundo tin un crisis
di costo di bida pa e hende averahe.
Esaki na su turno ta causa cu politica
riba nivel internacional ta birando mas
y mas instabil tambe.

Pa no bay den mucho detaya ta suma-
mente importante pa Gobierno futuro di
Aruba hisa poder di compra y calidad di
bida pa e MAYORIA di ciudadanonan.
Si esaki no pasa, nos lo por wak mas y
mas instabilidad tambe si en berdad e
poder di compra di e mayoria di pueblo
den terminonan real (ahusta pa real in-
flacion) keda cay. Esaki ta un scenario cu
no ta cumbini NINGUN hende riba
termino largo y mester wordo preveni
den mi opinion.

Den e contexto aki a propone di in-
troduci innovacion den tur sector na

Aruba den combinacion cu mas taxatie
di kapitaal. Ban recap un rato kico nos
a skirbi e delaster dos siman.

Innovacion “Radical” den tur Sector
na Aruba

Samengevat nos kier introduci inno-
vacion den tur sector na Aruba den e
siguiente volgorde:

- ★ Innovation Readiness Scan
- ★ Portfolio of Projects per sector
- ★ Small Pilot Test projects
- ★ Small High-ROI proyectonan prome
- ★ Re-invest further den futuro proyec-
tonan bon planifica.


Como ehempel hopi simplifica nos tin
e siguiente tabel cu ta muestra diferente
tipo di innovacion den diferente sec-
tornan cu nan volgorde planifica.

Reparatietoeslag pa full Aruba

Loke ta extremamente lastimo cu nos
ta tende storia cu no tin espacio finan-
ciero pa duna pueblo en general alivio
financiero directo. Mi ta echt masha
desapunta pa nota esaki dor cu den mi
delaster columnanan a indica cu sigura-
mente e espacio financiero t’ey. Si nos
politiconan wak na e luganan ‘corecto’,
esta e kapitaal-rijk sectornan. Awo cu
tur e informacion aki, ainda ta durf bisa
cu no tin fondo pa pueblo?

Atrobe mi lo bisa den palabranan suma-
mente duidelijk pa tur hende comprende:
E fondonan pa duna un reparatietoeslag
oftewel Universal Basic Income chikito
pa full pueblo siguramente t’ey. Vooral
si nos wak e ‘cierto’ sectornan cu tin
record winst.

Si no bin e durf politico di pensa un
poco “outside the box” wel e ora poder
di compra di mayoria di pueblo lo keda
baha, cual ta bay tin su consecuen-
cianan sumamente negativo pa e estabilidad
politico y bienestar di nos pais riba un



Sector	Salubridad	Energia	Transporte Publico	Educashon	Agricultura
Innovation					
Short-term	AI Telephonist	Isolation of Homes	EV Public Transport	AI Analytics	Container Farms
Medium-term	AI Radiology & Pathology	Solar	EV Car Pool	Smart Teaching	Container Farm + Energy Complex
Long-term	Smart Hospital	Smart Grid	RoboTaxi EV Car Pool	AI Tutor & 1-on-1 Teacher	Full-circle agriculture with local Feedstock
Goal	Affordable High-Quality Healthcare	Low-Cost Renewable Energy	Free Public Transport	Free Personalized Education	Low-Cost Local Food

plazo cu no lo ta ni dje leu den futuro.



E barometer mas relevante, internacio-
nal y completamente apolitico ta e prijs
internacional di Oro. Esaki ta indica
den maneranan sumamente duidelijk
cu mas instabilidad y inflacion ta na
caminda.

Si e futuro Gobierno no actua AWO
y den manera “Radical”, e partidonan
cu lo forma e Gobierno nobo lo bira
un hoofdstuk di Geschiedenis di sta-

atskunde di Aruba pa examenklas di
MAVO.

Ami pa un kier keda biba na Aruba opti-
malmente, pero e porta di oportunidad
pa actua pa bienestar di pueblo general
ta birando mas y mas chikito cada dia.
Esaki lo por trece consecuenecianan
severo pa nos pais.

Pero ban spera cu nos kader politico
ta lesa Bon Dia Aruba tur diabierna pa
tuma nota di esaki.



Casonan di dengue ta yega record nobo den e continente Americano e aña aki mientras mortonan tambe ta crece



(AP) - Casonan di dengue ta birando hopi prevalente den e region di Caribe y continente Americano, cu un record di 12.6 miyon di caso sospechoso di e virus reporta e aña aki, casi tri-pel e cantidad di aña pasa, segun oficialnan di salud a bisa ayera.

Casonan di dengue ta creciendo globalmente como cu clima mas calor causa pa cambio di clima ta permiti sangura expande nan alcance. E Organisacion di Salud Pan Americano (OSPA)--e oficina regional di e Organisacion Mundial di Salud (OMS) den e continente Americano--a bisa cu mortonan causa pa dengue tambe ta aumentando.

A reporta mas cu 7,700 morto den Caribe y e continente Americano te ainda na 2024, un aumento di mas cu 200 porciento, compara cu 2,467 morto na 2023, segun e organisacion. E cantidad di casonan den e region, cual ta inclui Merca, ta esun mas halto reporta desde cu a cuminsa cu registracion na 1980, segun e director di OSPA Jarbas Barbosa a bisa na un conferencia di prensa.

“Esaki ta conecta directamente na eventonan climatico,” el a bisa, referiendo na temperaturanan mas cayente, segura y inundacionnan. Un crecimiento rapido di poblacion, urbanisacion no planea y mal sanitacion a contribui na e aumento di dengue.

E virus a crece mundialmente desde aña pasa y a plama na areanan cu anteriormente tabata liber di dengue, segun OSPA. Brasil ta reportando e cantidad mas halto di casonan di dengue cu mas di 10 miyon, sigui pa Argentina cu mas di 580,000 y Mexico cu mas di mita miyon.

Den Caribe, Guyana ta liderando cu mas di 40,000 caso, sigui pa Guiana Frances, Republica Dominicana y Martinique. Mientras tanto, transmisionnan di dengue na Merca a ser reporta na California, Florida y Texas e aña aki, segun e Centro di Control y Prevencion di Malesa (CDC).

Tin cuatro tipo di e virus di dengue, conoci simplemente como 1, 2, 3 y 4. Pa tin un tipo di virus no ta duna inmunidad pa e otro nan. Pa prome biaha den un decada, serotipo 3 di dengue a predominar na Mexico, Centro America y algun parti di e Caribe den e segundo mita di aña, segun Thais dos Santos, e consehero di OSPA riba malesanan arboviral.

Hopi hende infecta no ta bira malo, pero algun ta experencia dolor di cabes, keintura y sintomanan parecido un gripe. Casonan severo por causa sangramento grave, shock y morto. Infeccionnan repetido por ta specialmente peligroso.

Casonan di dengue sa aumenta durante e temporada muha, pero pa fin di maart,

Puerto Rico ya a declara un epidemia, cu oficialnan advertiendo luna pasa cu esaki no por ser controla tanten cu residentenan no coopera. E teritorio Mericano a reporta mas di 4,900 caso y al menos nueve morto te ainda e aña aki. Victimanan ta inclui un mucha muhe di 17 aña y un hende muhe di 31 aña.

E casonan na Puerto Rico a aumenta cuadruplica desde aña pasa, segun data gubernamental.

Oficialnan na Puerto Rico ta urgiendo hende pa deshaci di awa para unda sanguranan por pone webo. E gobierno na Trinidad y Tobago a cuminsa suministra multa na hende di ken nan propiedad a bira sitio di broei pa sanguranan.

E aña aki, mas cu un tercer di caso na Costa Rica, Mexico y Paraguay a ser reporta den muchanan mas jong cu 15 aña, cu Guatemala reportando un cantidad di morto entre muchanan, Barbosa a bisa.

Vacuna contra dengue a ser introduci na Peru, Brasil y Argentina, cu Honduras planea pa ricibi esaki otro aña, pero nan ta dirigi mas tanto pa muchanan y ta mas efectivo den esnan cu a ser infecta caba cu dengue un biaha caba, dos Santos a bisa.

El a nota cu material ta limita y cu no por anticipa pa e vacuna tin un impacto grandi riba transmision. El a subraya cu e medidanan preventivo ta keda crucial. “Si no tin sangura, no tin dengue,” el a bisa.



"SALBA BIDA, SCOGE SIGURIDAD"



Maneha cu Celular den man ta Prohibi y Peligroso!

www.traficosigur.aw

Conseho di Estado tin “preocupacionnan grandi” riba e plannan di minister di Asilo



(NLTimes) - E Conseho di Estado tin “preocupacionnan grandi” tocante e plannan di minister Marijolein Faber (Asilo y Migracion) pa reduci e cantidad di solicitante di asilo y implementa un sistema di dos status, el a bisa den conseho riba dos proyecto di ley entrega pa e minister di PVV. E leyman lo aumenta “considerablemente” e carga di trabou di e institucionnan envolvi, lo costa hopi placa, y lo conduci na proceduranan di asilo mas largo, no mas cortico, e Conseho di Estado a bisa.

Den e Ley di Medidanan di Emergencia di Asilo, Faber kier, entre otro, reduci e validez di un permiso di residencia di asilo di cinco pa tres aña, aboli e permiso di asilo pa tempo indefini, y no permiti mas reunificacion familiar pa yunan adulto y

partnernan soltero. Cu e Ley di Sistema di Dos Status, e kier introduci un sistema cu ta distingui entre hende cu ta ser persigui pa motibo di nan puntonan di bista politico, religion of orientacion sexual y hende cu ta huy for di guerra of violencia. E prome grupo semper por pidi asilo. E di dos grupo ta ser acomoda temporalmente y mester bolbe asina cu ta safe na nan pais di origen.

“E proposicionnan aki casi tur lo conduci na un carga di trabou adicional considerable pa IND, y como un extension di esey, tambe na un aumento grandi den carga di trabou y gastonan halto pa e poder hudicial, tanto na corte como den apelacion,” e Conseho di Estado a bisa. “Lo tin hopi mas pleito. E medidanan proponi tambe lo conduci na preguntanan huridico nobo cu mester wordo contesta.”

Conseho di Estado “enfaticamente” a señala cu no ta solamente e servicio di inmigracion IND cu ya ta sobrecarga y ta confrontando scarsedad di personal, pero tambe e sistema di ley di inmigracion. “Extra carga ta nifica estructuralmente mas y mas proceduranan largo, contrario na loke e minister tin intencion cu e proposicion legislativo.”

Tambe a señala cu Hulanda ainda mester incorpora e Pacto di Migracion Europeo den su legislacion pa juni 2026. “Mester haci hopi trabou legislativo pa logra esaki,” Conseho di Estado a bisa. “IND y e poder hudicial lo tin nan man yen cu esey. Si e implementacion di e Pacto di Migracion no ser realisa na tempo, tin riesgo di duplicacion di trabou, pasobra stranheronan por depende ainda riba e Pacto di Migracion.”

E Conseho di Poder Hudicial

y e Asociacion di Abogadonan Hulandes (NOvA) tambe a trece preocupacionnan dilanti tocante e plannan di asilo di Gabinete Schoof I. E abogadonan tambe a adverti cu e minister tabata core den e proceso legislativo. “Debi na e acercamento lihe aki, e Asociacion di Abogado y

otro stakeholdernan clave den e proceso di asilo ta ser poni un banda,” e presidente di NOvA, Sanne van Oers, a bisa. “Nos tin miedo cu e situacion aki por bira mas comun, cu consecuencianan significante pa nos estado di derecho democratico.”

Parlamentario Calmes ta exige disculpa di Mercelina a causa di controversia



(CuracaoChronicle) – Parlamentario di Corsou Rennox Calmes a exige disculpa di su colega, Gwendell Mercelina, despues di un incidente controversial cu segun Calmes a causa berguensa pa henter e parlamento na nivel internacional.

Calmes, miembro di e partido Trabou pa Korsou, ta kere cu Mercelina su accionnan a pone Corsou su parlamento den un bista negativo globalmente. E ta acusa cu Mercelina a mal representa e situacion pa medio di declara cu parlamento regional, Parlatino, a pidi su persona nomina su mes pa e posicion di presidente, un ponencia cu Parlatino despues a nenga. Calmes ta argumenta cu e manera cu Mercelina a lidia cu e situacion ta refleha di mal manera riba henter e legislatura.

“Si mi colega no pidi despena, mi ta kere cu bos di parlamento Chareti America-Francisca mester tuma accion y ofrece disculpa na su number,” Calmes a declara.

Durante un reunion parlamentario e siman aki, America-Francisca a laga cla cu e no lo pidi despena pa Mercelina su accionnan. Sinembargo, el a enfatisa cu el a tuma su responsabilidad pa medio di dialoga tocante Mercelina su nominacion den e sesion parlamentario. “Si mi lo a comete e eror, lo mi a pidi despensa hopi tempo atras.”

KENNISGEVING VAN FAILLISSEMENT

Bij vonnis van 5 december 2024 heeft het Gerecht in Eerste Aanleg van Aruba het faillissement uitgesproken van:

PROGRAPHICS N.V. h.o.d.n. VAD ORANJESTAD PRINTING

waarbij mr. A.H.M. van de Leur tot rechter-commissaris is benoemd en mr C.M. van Liere tot curator is aangesteld.


Schuldeisers van PROGRAPHICS N.V. h.o.d.n. VAD ORANJESTAD PRINTING worden hierbij verzocht hun vordering schriftelijk en met overlegging van bewijsstukken bij de curator in te dienen:

HBN Law & Tax
mr. C.M. van Liere
L.B. Smithplein 3
Otrobanda, Curaçao
Phone: +(5999) 434 33000
Stan.vanliere@hbnlawtax.com



FIND US ON
facebook
@bondianoticia

ALSO AVAILABLE ON



Empresanan chikito y jong na Hulanda ta evita sancion contra Rusia


(NLTimes) - Exportacion Hulandes pa Rusia a reduci significativamente desde cu e Union Europeo a sanciona e pais pa invadi Ucrania, pero tin indicacion cu empresanan chikito y jong en particular ta evita e sancion por medio di exporta-

cion na paisnan intermediario, segun e Centrale Bureau van de Statistiek (CBS) y Rijksuniversiteit Groningen a reporta despues di investiga exportacionnan Hulandes di productonan sanciona.

E sancionnan Europeo ta prohibi e exportacion di obhetonan na Rusia cu por ser usa pa propositonan militar. E lista ta inclui un variedad amplio di obhetonan, for di chipnan, uranium y barconan pa bacteria y schimmel.

E estudio a muestra cu e babor di e exportacion di e gruponan sanciona aki a cay pa aproximadamente 86 por ciento na 2023 compara cu e averahe den e añanan 2018 pa 2021. Sinembargo, un grupo di compania a aparece cu a cuminsa bende productonan solamente despues cu a implementa e sancionnan extra na 2022. E companianan aki ta tipicamente chikito y relativamente jong.

Segun CBS, e companianan



aki por ta evitando e sancion por medio di bende producto na paisnan cu no ta sanciona Rusia, manera Armenia, Kazakhstan, Kyrgyzstan, Mongolia, Serbia, Turkey, y Turkmenistan.

Exportacionnan Hulandes di productonan sanciona na shete paisnan aki a crece, aumentando hasta cu 90 por ciento den algun caso, CBS a

bisa. y exportacionnan for di e shete paisnan aki pa Rusia no a reduci, y den algun caso a aumenta desde cu e sancionnan a tuma efecto.

“Esaki por indica cu productonan sanciona for di Hulanda ainda ta yegando Rusia via e paisnan aki,” CBS a bisa.

Potret di polis Hulandes.

Tres persona deteni den investigacion di explosion na edificio di apartamento na Den Haag cu a causa morto di seis persona

(NLTimes) - Tres homber a keda deteni dialuna anochi laat relaciona cu e explosionnan y candela na un edificio di apartamento na Tarwekamp na Den Haag. E incidente a conduci na e destruccion parcial di cinco residencia y e tiendanan abou, lagando seis persona morto y cuater otro herida.

E tres sospechosonan a surgi como parti di un investigacion grandi riba e causa di e explosionnan, y e rapport cu un vehiculo a core bay rapidamente momentonan despues. “Den e investigacion ey, e tres personanan a sali como posibel partidonan involvi den e explosion. E tres persona a keda deteni y varios auto a ser tuma den beslag,” polis a bisa.

“Mas investigacion ta necesario pa determina si un di e autonan tambe ta e auto cu a core bay for di e area di Tarwekamp cu velocidad halto despues di e explosion,” polis a sigui bisa. No a keda cla mensora si esaki tambe tabata conecta na un vehiculo cu a ser haya na candela na un distancia cortico for di Tarwekamp.

Nan a ser deteni poco prome cu mey anochi pa interrogacion, polis a bisa. Nan lo keda den detencion restringi, loke ta nifica cu nan lo por solamente tin contacto cu nan abogado, y cu polis y fiscal lo informa solamente detayenan limita pa proteha e investigacion.

Mas detencion ta posibel, polis a bisa, y decenas di video a ser suministra na investigadornan. E detencionnan a tuma lugar algun ora despues cu polis a identifica e restonan di e ultimo dos victimanan saca for di e escombronan. Alcalde Jan van Zanen di Den Haag a bisa cu e “bon noticia” tabata resultado di “excelente

trabou di detective na un lugar complica.”

E explosionnan a sucede alrededor di 6:15 a.m. diasabra. Bomberonan a pasa varios ora tratando di combati e candela mientras e edificio a cay den otro. Nan a rescata cuater persona durante e contesta inicial, y un di cinco victima herida alrededor di 12 ora despues cu e explosionnan a tuma lugar.

For di fin di diasabra atardi te cu dialuna mainta trempan, a recupera e curpanan di seis persona, incluyendo dos mayor y nan yiu muhe di 17 aña. E mucha su ruman homber di 8 aña a sobrevivi. Miembronan di famia a identifica un otro victima como Vikel Kamperai, un ingeniero civil di 44 aña di Grecia cu ta laga atras su casa y nan tres yiu chikito, un mucha homber di 7 luna, un mucha muhe di 6 aña, y un mucha homber di 10 aña.

Un dama cu a pasa 12 ora bou di e escombronan a keda hospitalisa den estado grave, pero stabiel. E ta un boluntario na e fundacion local cu a caba di duna refugio y sosten na e residentenan afecta pa e explosion, e fundacion a confirma diadomingo.

Dos otro herido tabata drumi den e kelder di un bar impacta pa e explosion. E bartender y e cliente regular a ser trata pa inhalacion di huma, pero di otro banda a resulta ileso.

“Pa esnan afecta directamente y nan familiarnan, ta di gran importancia pa tin claridad riba e causa rapidamente, y detencion di e sospechosonan aki ta esencial pa esaki. Esaki tambe ta duna tranquilidad na habitantenan local,” Van Zanen a skirbi den un declaracion.

CACHI CACHI

Christmas Edition

1 GANADO GARANTISA

Afi 1000,-

TUR DIA

CON PA HUNGA

CU CADA COMPRA DI 1 FLORIN PA SORTEO DI MERDIA OF ANOCHI BO TA RICIBI 1 SET DI 6 NUMBER DI CACHI GRATIS!

SORTEO DI CACHI CACHI TA TUMA LUGAR DURANTE SORTEO DI ANOCHI Y DIADOMINGO 2:00PM

Afi 1 • 1 SET DI NUMBER GRATIS!
Afi 2 • 2 SET DI NUMBER GRATIS!
Afi 3 • 3 SET DI NUMBER GRATIS!
Afi 4 • 4 SET DI NUMBER GRATIS!

MAS BO INVERTI. MAS NUMBER GRATIS BO TA RICIBI!

www.lottoaruba.com

CAMPAÑA TA VALIDO DESDE 1 DI DECEMBER PA 31 DI DECEMBER 2024

Argentina: Milei ta marca un año a cargo, y su medidanan ta dunando forma nobo na economia

(AP) — Ora presidente libertario Javier Milei a asumi su cargo un año pasa, supermercadonan Argentino tabata marcando aumento di prijs casi diariamente. Famianan di clase media tabata purba di gasta nan pesos depreciando rapidamente mesun lihe cu tabata haya nan, y economistanan tabata adverti cu e pais tabata den borde di hiperinflacion.

Tabata indignacion popular pa e economia robes aki cu a impulsa e ascenso di Milei, un auto-declara anarco-capitalista y ex-comentador di television kende a alcanza poder riba promesanan di “rementa” banco central, coy un hacha riba e gobierno hinca, y caba cu inflacion.

Tabata un tarea casi imposible, y e falta di experiencia di Milei den gobierno, su cabey desaregla, y su pasion estilo misionario pa su cacho fayecido, Rolling Stones y mercado liber no a inspira mucho confiansa den un pais cu historia di reforma economico fracasa.

Asumiendo poder, Milei a implementa un serie di medida di austeridad, incluyendo corta subsidio di energia y transporte, duna retiro na miles di trahador den gobierno, freeze



proyecto di infraestructura publico y impone freeze di salario y pensioen bao inflacion. E ta brutal. Desempleo a aumenta, actividad economico a baha y pobreza a aumenta.

Pero awo a bin señal cu e economia straño y mal mancha di Argentina a cuminsa muestra un tiki mas normal.

Inflacion mensual a cay, bono a rally y e gap entre e dollar den mercado preto y e tarifa oficial a cay hasta 44%. E indice di riesgo di pais Argentina, un medida influyente di e riesgo

di default, ta na su punto mas abao den cinco año.

Inflacion, e enemigo perpetuo di Argentina y e prioridad top di Milei den yega na su cargo, a baha for di un tasa mensual di 25.5% na december 2023, te apenas 2.7% na october - su nivel mas abao den tres año. “Inflacion a baha mas lihe cu loke tur hende a spera,” segun Ignacio Labaqui, un analista senior basa na Buenos Aires pa Medley Global Advisors. “Esey ta algo cu ta valida su narrativa y ta sostiene su popularidad.”

Den un señal di e caminda largo cu falta pa Milei - y e situacion deplorable cu el a hereda - tasa di inflacion anual di Argentina ta keda na 193%.

Pero Argentinonan ta poniendo mas atencion riba inflacion di luna pa luna, tumando e caida skerpi como señal cu e terapia di shock fiscal di Milei ta dunando resultado.

Un peso mas fuerte tambe ta reforsando confiansa. E prijs di dollar den mercado preto a cay desde juli, reduciendo su gap

cu e prijs oficial di 980.

Pero e prome surplus den presupuesto Argentino den 12 año, a bin cu un prijs haltu. Milei a stop aumento pa inflacion den presupuesto di universidadnan, lagando algun universidad luchando pa tene luz cendi y elevator funcionando. El a baha nivel di ministerio di Cultura, a cera e instituto nacional di teatro, a cera un agencia noticiero estatal, y a stop financiamiento pa investigacion científico.

El a suspende trabaonan di obra publico, lagando ciudadnan yen di structura na mita. Alrededor di 200mil trahador di construccion a perde trabao den ultimo año, segun Camara di Construccion Argentino.

E austeridad brutal a profundisa e recesion Argentino, cu gasto di consumidor cayendo 20 porciento den ultimo año, y tasa di pobreza aumentando na 52.9% den segundo mita di año.

Pero den un pais cu historia largo di protesta riba caya, ta notable cu e disturbionan masal pronostica año pasa no a materialisa. Cu tasa di aprobacion di e presidente a sostene alrededor di 50% ta un señal di con desesperadamente Argentinonan tabata kier un cambio despues di años di crisis.



(AP) —Un pasajero riba un vuelo domestico na Mexico, kende a purba di desvia un avion pa Merca cu forsa a bisa cu e tabata bao menasa di criminalnan cu a secuestra un di su familiarnan, segun autoridadnan a bisa.

Departamento di Seguridad

Publico di Mexico a bisa diadomingo laat cu e homber a keda deteni pa oficialnan di Guardia Nacional den ciudad occidental di Guadalajara, unda a desvia e vuelo despues di e incidente.

Videonan comparti riba rednan social a muestra otro pasajeronan atrapando e homber

Mexico: Pasahero cu a purba forsa avion bula na Merca ta bisa e tabata bao menasa di criminalnan

riba un vuelo di aerolinea Volaris diadomingo, cu a sali di ciudad Leon, den estado Guanajuato, na e ciudad frontera di Tijuana.

“Personal di e aerolinea a bisa cu e agresor a bisa cu un familiar cercano di dje a keda secuestra, y na momento cu e vuelo a despega for di Leon, el a ricibi menasa di morto si e biah pa Tijuana,” e departamento a bisa den un declaracion.

Estado Guanajuato pa largo ta domina pa cartelnan di droga den guera, y tin e cantidad mas haltu di homicidio di cu alquier estado na Mexico.

Pero esey no tabata tur. Oficina di fiscal general federal a bisa cu e homber a purba drenta cabina di piloto, pa

forse nan pa aterisa den territorio Mericano.

Unabes cu e tabata den custodia di Guardia Nacional, el a purba di gara arma di un di e agentenan di e guardia, causando cu e vehiculo den cual tabata transportando e a accidente, heridando e sospechoso y e agentenan. E sospechoso ta ricibiendo tratamiento pa su heridanan na hospital.

Video ta parece di muestra e homber coriendo den direccion di un di e portanan riba e avion, den loke por tabata un intento pa habri e memey di e vuelo, prome cu otro pasajeronan a lucha cune y a domin’e.

Oficialnan a duna solamente e nomber sin fam, y edad di 31 año, y a bisa cu otro pasa-

heronan a continua yega Tijuana.

Oficina di fiscal general a bisa cu e homber ta bay enfrente cargo, incluyendo haci menasa y un atake riba transporte.

Aerolinea Volaris a bisa den un declaracion riba X cu e tripulacion a logra detene e sospechoso, y tur esnan abordo di e avion tabata safe. Volaris a bisa cu a bira demandante pa sigura cu e pasajero ta enfrente ful e peso di ley.

Intento pa desvia of hijack avion ta extremadamente inusual na Mexico. Na 2009, un fanatico religioso Boliviano brevemente a hijack un avion for di Cancun mientras el a aterisa na Ciudad de Mexico. Tur pasajero y e tripulacion a keda libera ileso.

Cuba: Activistanan ta regala cena di Pasco na mas di 100 famia afecta na Guantanamo

(CiberCuba) – Den un acto di solidaridad y compromiso cu e comunidadnan mas vulnerabel, e proyecto solidario “Huellas” a lansa un iniciativa pa brinda un cena di Pasco digno na mas di 100 famia na Guantanamo, afecta pa horcan Oscar y sumergi den condicionnan di pobreza extremo.

Ademas di e cuminda, e campaña ta busca hiba donacionnan material y speranza na e famianan aki cu ta enfrenta un crisis profundo.

E activista Johanna Jola Alvarez, lider di e proyecto, a comparti e detayenan di e iniciativa aki a traves di su cuenta di Facebook. “E ekipo Huellas a dicidi di traha pa un Pasco y un fin di aña diferente pa e famianan ey cu ta den sobrevivencia extremo na Guantanamo,” el a skirbi.

Ademas el a indica cu nan tin intencion di hiba e iniciativa aki na e comunidadnan di San Antonio del Sur, Imias, Baracoa, Maisi, Yacabo y Macambo, unda e situacion ta specialmente critico despues di



efectonan ocasiona pa horcan Oscar october ultimo.

Jola a splica cu e proyecto no ta solamente busca pa brinda un cuminda di Pasco, si no tambe recauda un variedad di donacionnan pa alivia e necesidadnan mas urgente di e famianan aki.

Entre e articulonan cu nan ta solicita tin paña, sapato, cos di hunga, material escolar, medicamento, alimentonan durabel, y hasta muebles y

cosnan di cushina.

“Huellas ta habilita su cuentanan pa tur cu ta desea di uni na e Fiesta di Amor por haci esaki,” el a anuncia indicando cu e donacionnan por ser realisa den pesos Cubano (CUP) of den moneda libremente convertibel (MLC).

E donacionnan di placa lo permiti e compra di alimentonan y otro recursonan necesario pa e actividad.

E ekipo di “Huellas” tin premira cu nan lo sali rumbo pa Guantanamo dia 25 di december proximo pa entrega e donacionnan, prepara e cena y distribui esaki completamente gratis entre e famianan cu ta den necesidad.

“Den e oceano ey di necesidadnan den cual nan ta biba, nos ta bay haci e cuminda gratis y nos ta bay parti esaki. Cu e sazon esencial ta amor di nos tur cu ta bay comparti, no di loke ta resta nos, si no

di e tiki cu nos tin,” e activista a expresa.

E situacion critico di e famianan na Guantanamo, bibando den condicionnan deplorable, a hiba e proyecto “Huellas” na convoca e solidaridad di tur pa brinda ayuda y speranza. “E ta hopi doloroso locual nos rumannan na Guantanamo ta sufriendo den condicionnan asina deplorable.”

November ultimo, e activista Jola a considera necesario pa recorda riba rednan social cu, aunke horcan Rafael a afecta e parti Occidental di Cuba, hunto cu e blackoutnan masivo na henter e pais y e actividadnan sismico, e provincia di Guantanamo tabata sigui den emergencia pa e problemanan causa pa horcan Oscar.

Como muestra di su intencion di yuda e personanan afecta, na october ultimo e iniciativa solidario “Huellas” a manda un total di 300 caha cu donacionnan pa e famianan afecta.

Puerto Rico: Comision pa combati desigualdad social ta presenta plan pa reduci pobreza infantil cu 50% pa 2032

(ElNuevoDia) – Reduci cu un 6% e tasa di 54% di pobreza infantil cu e isla ta enfrenta ta un di e metanan principal cu e Comision pa Combati Pobreza Infantil y Desigualdad Social na Puerto ta spera di por alcanza pa final di 2025. Dialuna ultimo e comision a presenta su plan decenal, un documento di mas di 500 pagina enfoca den combati e problemanan social principal cu ta impacta e desaroyo pleno di homber, muhe- y muchanan.

“E meta aki mester ta uno urgente pa e gobierno y tur e sectornan di e sociedad civil, ya cu e pobreza tin consecuencianan hopi dañino pa e desaroyo di muchanan, y por lo tanto, pa e desaroyo social y economico di Puerto Rico,” dokter Eduardo Lugo Hernandez, director ehecutivo di e comision, a señala.

E meta di e comision ta, pa 2032, reduci den un 50% e

tasa di pobreza infantil.

Puerto Rico a mira un reduccion minimo den e nivel di pobreza infantil, e cifranan ta refleha cu cinco di cada 10 mucha ta sigui biba den condicionnan vulnerabel. Pa 2020, por ehempel, e porcentahe di famianan cu muchanan bou 18 aña di edad cu tabata biba bou nivelnan di pobreza tabata 56.4%, actualmente e cifra aki a reduci na 54.3%.

“Esey ta implica cu 147,210 famia cu muchanan bou 18 aña ta biba bou e nivel di pobreza y ta nifica, na mesun momento, cu 270,787 mucha ta biba den condicionnan vulnerabel y vulnerabel extremo na nos pais,” Anitza M. Cox, director di e Division di Analisis y Politica Social di e oficina di Estudionan Tecnico y ken a traha e investigacion tocante e tema, a apunta.

E oficina a realisa un encuesta cu a apunta cu 83.8% di e famianan cu muchanan bou

e nivel di pobreza ta experimenta algun vulnerabilidad den vivienda. Mientras, 7.4%, cu ta cerca di 11 mil famia, a sufri perdida di hogar den e cinco aña prome cu e estudio. “Di otro banda, nos ta observa cu... 65,360 famia bou e nivel di pobreza ta cuida algun persona den e hogar,” Cox a agrega.

E datonan a revela, ademas, cu cerca di 16.4%, of 24 mil famia, no ta conta cu un vehiculo den e hogar, locual ta limita e acceso na servicionan, y cu e tres bareranan principal pa e movilidad social y economico ta e falta di acceso na servicionan di cuida (23%), desempleo (22.1%), y e costo di bida halto (11.3%).

Dokter Lugo Hernandez a sostene cu e plan decenal ta inclui meta- y strategianan cu ta hancra den e areanan di educacion, seguridad economico, contribucion, empleo, eliminacion di bareranan, desaroyo di capital humano, acceso na salud y


seguridad di alimento.

Den e strategianan, pa corto y mediano plazo, ta propone cambianan na politica publico vigente, fortalece y integra

e sistemanan di servicio, mehora e condicionnan salarial di posicionnan critico den e area di servicio y reforsa e mecanismonan di evaluacion y rindimento di cuenta.



Jamie Foxx su malesa a keda revela



(TMZ) - Jamie Foxx a caba cu e misterio alrededor di e susto cu a pasa cu su salud, el a revela cu el a haya un stroke aña pasa cu a casi bay cu su bida.

E actor a conta tocante esaki durante su special di comedia na Netflix, "Jamie Foxx: What Had Happened Was...", compartiendo cu el a sufri di sangramento den su cerebro den april 23 y esaki a causa un stroke mientras e

tabata grabando su pelicula, "Back in Action," na Atlanta.

Un Foxx yen di emocion, cu lagrima den su wowo, a conta e momento bisando cu "11 di april, mi a sinti un dolor di cabes fuerte, y mi a pidi mi yiu un pildo. Mi a realisa rapidamente cu ora bo ta den un emergencia medico, bo yiunan no sa mes ki pa haci."

Jamie a sigui conta cu prome cu e por a sikiera haya e pildo,

el a cay flauw, y e proximo cos cu e ta corda ta cu 20 dia den hospital a pasa, cu ningun memoria di nan.

El a revela cu su amigonan incialmente a hiba su persona un dokter, ken a manda su persona cas cu un inyeccion di cortisone. Sinembargo, ta su ruman muhe Deidra Dixon, ken a sinti cu tin algo no ta cuadra y a hib'e Atlanta su hospital Piedmont.

Jamie a bisa cu tin dokternan cu a confirma na su ruman cu e tabatin sangramento den su cerebro cu a causa un stroke y sin operacion inmediatamente e no lo sobrevivir. El a comparti cu su bida no a pasa dilanti su wowo durante tur esaki, y cu e tabata sinti den pas ora e tabata inconsciente. El a bisa "Mi a mira e tunel, pero mi no a mira e luz. Mi tabata den e tunel si. E tabata haci hopi calor...Mi ta bayendo e luga fout? Paso mi a mira

e fin di e tunel y mi a pensa mi a wak diabel," el a bisa cu tono di chiste.

E ganador di Oscar a bisa cu e tabata emocional ora cu el a lanta di su coma di simannan largo y a realisa cu e ta den rolstoel. Sinembargo, manera awo nos sa, el a recupera completamente y a usa hopi humor banda di su lagrimanan pa comparti e storia di su susto medico cu e tabatin secreto te cu awo.



Ken ta e abogado demandando Jay-Z como parti di casonan civil contra Sean 'Diddy' Combs?



(AP) - E batayanan legal di perfil halto no ta nada nobo pa abogado di Texas, Tony Buzbee, cu su caso mas reciente entrega contra Jay-Z, acusando e rapper iconico ademas di Sean 'Diddy' Combs di sexualmente agredi un menor na un afterparty den 2000.

E demanda contra Jay-Z ta parti di un serie di caso civil cu Buzbee a entrega contra Combs, ken ta deteni na New York mientras e ta warda huicio bao acusacionnan federal cu el a abusa di y manipula hende



muhe pa añanan largo. Den su carrera legal, Buzbee a representa un variedad di cliente. El a yuda anula acusacion contra Procurador General Ken Paxton na su huicio den Senado di Texas aña pasa. El a representa mas di dos decenas di hende muhe cu a acusa Cleveland Browns su integrando Deshaun Watson di mal conducta sexual y agresion. Buzbee tambe a participa den algun eleccion, incluyendo un pa ta alcalde di Houston. Su criticonan ta bisa cu e ta yen di 'bluster and bombast.' Jay-Z a bisa cu e demanda den

su contra ta parti di un plan di extorsion. Buzbee su agencia a bisa cu el a traha pa amplia e bos di esnan marginalisa y pa "exigi husticia contra figuranan poderoso."

"Nos ta un sociedad unda tipicamente nos no ta kere e acusador. Nos ta culpa e victima y automaticamente su abogadonan tambe," Buzbee a bisa durante un conferencia di prensa den maart di 2021. Buzbee ta un nomber conoci den salanan di corte na Texas, unda el a gana biyones di dollar den acuerdo pa su clientenan. El a crece na parti noordoost di Texas, e yiu di un carnicero y trahado di cafeteria di scol. Despues di gradua di Texas A&M University, el a sirbi e pais den U.S. Marina Corps. Buzbee despues a bay scol di ley y a funda su propio firma.

Su estilo ta "caracterisa pa su tacticanan legal agresivo, su ha-

bilidad di hala media su atencion y su habilidad pa converti batayanan legal compleho den narrativa publico cu ta resona cu huradonan y e publico," segun su firma su website.

Buzbee a bisa cu su firma ta representando mas di 150 persona, ambos hende homber y hende muhe, cu ta acusa abuso sexual y explotacion bao man di Combs. Buzbee su firma, cual a crea un hotline pa e acusadornan, a entrega un ola di demanda contra e magnate musical. Su demandanan ta acusa cu varios di e personanan cu e ta representa a ser abusa na fiestanan cu a tuma luga na New York, California y Florida, unda individuonan a ser duna bebida cu tabata intoxica cu droga.

Combs su abogadonan a desmenti Buzbee su demandanan como "show pa publicidad, diseña pa extrae pago for di e

celebridadnan cu tin miedo cu mentira tocante nan lo plama, di mesun manera cu mentiranan a plama tocante Mr. Combs." Diadomingo, Jay-Z a publica un declaracion den cual e tambe a acusa Buzbee di purba blackmail su persona pa medio di purba yega un acuerdo legal tocante acusacionnan cu e y Combs a viola un muhe ora cu e tabatin 13 aña.

"Mi no sa con bo a bira un humano asina deplorable, Mr. Buzbee, pero mi ta priminti cu mi a mira e tipo di persona manera abo varios biha caba," Jay-Z a bisa den su declaracion. "Bo ta bisa cu bo tabata un marinier? Bo no tin ni honra ni dignidad." Buzbee a bisa diadomingo riba Facebook cu e "no lo ser intimidado." "Luz di solo ta e miho desinfectante y mi ta hopi sigur cu solo ta na caminda," Buzbee a bisa.

Darlin Erasmus ta Reina di Dande na Hulanda

Den un Event Plaza na Rijswijk basta bon bishita Darlin Erasmus a keda corona como Reina di Dande na Hulanda. Darlin tambe a bay cu e premio pa e mi-hor cancion di Pasco. Coordinador di Cultura di Gabinete di Aruba Nuris Dabian hunto cu PR di Gabinete di Aruba Sidney Kock a corona Darlin. Na di dos lugar a keda Jersiray Werleman y tercer premio a bay pa Izellah Ruiz.

Na inicio di e festival Minister Plenipotenciario demisionario mr. Ady Thijsen a tene un discurso unda el a cuminsa na bisa cu e ta hopi contento y satisfecho di ta para na Event Plaza pa e Festival di Dande na Hulanda. ‘Contento pasobra despues di hopi aña e comunidad Arubiano na Hulanda ta haya e oportunidad pa celebra nan dianan di Fiesta cu un di e tradicionnan mas conoci y

respeto na Aruba cu ta e musica di Dande. Un tradicion cu nos como Aruba so tin y p’esey nos mester cultiva e tradicion aki y tesora esaki como algo unico cu ta defini nos como Arubiano,’ asina Sr. Thijsen a bisa.

E mandatario a menciona cu na 2022 Hulanda a cera conoci cu e tradicion aki pa medio di e documentario Dande di Aruba – een bijzondere nieuwjaarstraditie cu a pasa riba prome di Januari 2022 na NPO 2. E documentario di cinematografo Cindy Kerseboom via di combersacionnan cu figuranan importante di Dande na Aruba manera Vicente Ras y Harry Croes dfm a demostra un bunita manera e tradicion di pa pasa cas pa cas pa duna bendicion pa e aña nobo.

Minister Thijsen: ‘Mi satisfaccion ta grandi pa mira cu e aña aki a bin cu iniciativa pa

tene un Festival di Dande na Hulanda. Pa hopi aña Festival di Dande tabata conoci di ta wordo teni na Rotterdam. E organisacion Contacto Arubano Rotterdam (CAR) pa hopi aña a organisa e festival aki. Mi ta kere cu ta na su lugar pa na e momento aki rindi homenahe na tur esnan cu pa añanan a dedica nan tempo y energia pa conserva e tradicion aki na Hulanda. E evento na Hulanda tabata special pa esnan cu pa algun motibo no por ta na Aruba den e dianan di Fiesta y toch por sinti e calor di Pasco y Aña Nobo,’ segun e mandatario.

Minister Thijsen a gradici tur esnan cu a traha duro y incansabel pa e festival por a tuma lugar y a desea tur e participantenan hopi exito. El a termina su discurso cu entrega di un plakkaat di reconocimiento di parti di Gabinete



di Aruba y Gobierno di Aruba na Marcelino Rodriguez pa su aporte grandi pa añanan na Festival di Dande na Hulanda.

E programa a sigui cu e festival mes cu banda di e Dande e participantenan a canta un cantica di Pasco. E conocido cantante Arubiano Lidwina Booi a trece e ambiente di Pasco entre otro cu su can-

tica clasico ‘Nochi di Pasco’. Despues e publico a keda deleita cu un presentacion di Grupo di Betico.

Sigur e Festival di Dande e brinda hopi Arubiano na Hulanda e atmosfera di Pasco Arubiano, leu for di cas.

E potretnan ta cortesia di Arubahuis.



Aruba Bank ta patronisa uniformnan pa ekipo di RCA U11-3



Aruba Bank ta un patronisado orguyoso di uniformnan nobo pa ekipo U11-3 di RCA. Esaki ta demostra e compromiso di Aruba Bank pa sostene deporte local y e desaroyo di hubentud den nos comunidad.

E presentacion di e uniformnan vibrante a tuma lugar siman pasa hunto cu e team masha entusiasmo. E patrocinio ta enfoka pa duna e atletanan hobennan un uniform di calidad halto, estimulando orguyo y union

ora nan ta representa nan ekipo riba veld.

Nos ta contento di por sostene e ekipo U11-3 cu uniform nobo pa asina aporta na e crecemento y exito di e atletanan talentoso aki.

Aruba Bank ta sigui dedica na iniciativa cu ta reconoce e importancia di inverti den futuro generacion cu ta bini, atravez di deporte, educacion y proyecto pa comunidad.

E di 25 “Annual Charity Golf Tournament” di Rotary Club Aruba tabata un exito rotundo

Diasabra dia 30 di november a tuma lugar e di 25 “Annual Charity Golf Tournament” organisa pa Rotary Club Aruba. E aña aki un biaha mas e team dinamico di Rotary Club Aruba a kibra tur expectativa na unda a recauda mas di Afl. 90,000,-. Tur fondo recauda lo bay bek na nos comunidad. Rotary Club Aruba lo reparti e fondo aki bao di diferente fundacionnan y instancia nan na Aruba. E exito aki no tawata posibel sin e sosten continuo di nos “Platinum Sponsors”, cual ta Caribbean Mercantile Bank y Aruba Airport Authority.

E evento aki a trece 20 ekipo di golf hunto na The Links at Divi Resorts. Participantenan a wordo trata cu dushi cuminda, bebidanan refrescante, y un ambiente bibo cu a tene e animo halto durante henter dia. E evento a culmina den un anochi di celebracion cu a inclui un ceremonia di premiacion, premionan di rifa, un “auction”, y un cena delicioso.

E team ganador a resulta e team di Satex cu tabata consisti di Indira Ras, Pedro Teixeira, Greg Wever y Evan Haime. E team ganador a ricibi un premio cortesia di Digi-cel. Na di dos lugar y cu premio cortesia di Boolchand’s a keda e team di Nedd Brothers cu tabata consisti di Larry Nedd, Christopher Nedd, Luis Camara y Donovan Nedd. E team di Aruba Lottery cu tawata consisti di Hendrik, Juny Albert, Pery Young y Hipy Kock a keda na di tres lugar y a ricibi premio cortesia di Divino.

E atraccion un biaha mas tabata e “Ball Drop”, unda cu tur presente por a cumpra un bala di golf asigna na nan



number. Durante e anochi esakinan a wordo laga los na un “hole” riba e golf course. Esun cu a logra e ‘closest to pin’ den e atraccion aki a gana un 65” TV cortesia di Lucky Electronics. Ademá di esaki tabata tin e

tradicional rifa cu a conta premionan atractivo cortesia di nos companianan local. Tambe a tene un mini-auction, cu diferente pakete atractivo. Pa medio di e actividadnan aki, e mesun participantenan a haya un oportunidad pa haci nan contribucion adicional. Presidente Diego Acevedo a keda masha contento y satisfecho cu e fondo recauda un biaha mas e aña aki. Esaki ta danki na e trabao duro cu e comite organisador ta haci. “Mi ta hopi orguyoso di e comite organisador cu un biaha mas a organisa un exitoso evento”. Miembro Milton van Brussel cu a lidera e comite organisador ta sigui na gradici tur e companianan cu a yuda Rotary e aña aki atrobe cu nan aparte. “Tur esaki ta haci posibel pa Rotary Club Aruba sigui yuda esnan di mas necesidad den nos co-



munidad”. Un danki special ta bay na e patronisadornan riba e area di F&B, cu sin duda a contribui na un experiencia completo durante y despues di e evento. Rotary Club Aruba kier a gradici un y tur cu e aña aki un biaha mas a deposita nan confiansa den e torneo aki.

Na tur miembro di e comite organisador di Rotary Golf y tur otro miembro di cu di un of otro manera a duna nan sosten, contribuyendo na un evento exitoso. Nos ta spera di conta cu boso sosten atrobe na 2025 pa e di 26 edicion di Rotary Annual Charity Golf Tournament.



Asociacion di basketball Hulandes kier pa Rotterdam organisa e etapa di grupo di campeonato Europeo na 2029

(NLTimes) - E Nederlandse Basketball Bond trahando cu e municipalidad di Rotterdam y companianan TIG Sports y House of Sports den un oferta pa trece e etapa di grupo di e campeonatonan Europeo di basketball 2029 na Rotterdam. NBB a reporta cu nan a entrega un peticion oficial cu e Federacion Internacional di Basketball (FIBA).

E etapa di grupo di e torneo lo ser organisa den cuatro pais. Otro peticion pa anfitrióna e competencia nombra "Eurobasket" ta na Madrid, España, Atenas, Grecia, Bratislava y Slovakia entre otro.

E lo ta e prome biaha cu Hulanda ta organisa e campeonatonan Europeo masculino. Hulanda a organisa e campeonaton Europeo femenino na 1970. E weganan lo tuma luga



na Ahoy. Consehala pa Deporte na e municipalidad na Rotterdam, Faouzi Achbar, a bisa cu e ciudad semper tabatin e ambicion pa organisa

eventonan grandi di deporte. "E evento aki lo trece miles di hungador-, oficial-, miembronan di prensa y claro, fa-

naticionan na Rotterdam. E lo trece hopi atencion positivo na e ciudad," el a bisa den un declaracion.

Si Rotterdam ser scogi como un di e cuatro sitionan, e ora hende den e ciudad lo por mira un grupo di seis pais competi den un grupo pa asina avansa pa e ultimo etapanan di e torneo. Algun di e miho hungadornan di basketball na mundo incluyendo Luka Doncic, Nikola Jokic y Victor Wembanyama lo probablemente hunga den e torneo.

"No ta trahando duro riba un nominacion responsable durante e ultimo lunanan. Awor cu a calcula tur e cifranan y a tuma decision, e ta sinti como e proximo stap den e crecemento increíblemente fuerte cu nos ta experimentando caba," Maarten Hoffer, director di e NBB, a bisa.

El a agrega cu basketball ta e deporte cu ta creciendo mas lihe y cu e evento aki lo inspira un generacion nobo di hungadornan.

New Jersey ta duna boet pa aceptacion di apuesta despues cu weganan a caba

(AP) - E no ta pasa frecuentemente, pero ora cu e pasa, e por ta un sueño birando realidad pa esnan cu ta haci apuesta den deporte; por haci un apuesta despues cu esaki a caba.

Y el a pasa atrobe na Atlantic City, unda un firma a haya un boet pa acepta 25,000 dollar den apuesta riba weganan di hockey y basketball di nivel universitario ademas di peleanan di boxeo despues cu nan a caba.

Den accion cu a haci publico siman pasa, New Jersey Division of Gaming Enforcement a duna boet na William Hill Sportsbook di 20,000 dollar pa apuestanan cu el a acepta eroneamente den 2022 y 2023. E compania a anula mayoria di

e apuesta despues di a descubri e erornan, sinembargo otronan a se paga na e clientenan caba. William Hill ta opera den Atlantic City na Caesars, Harrah y Tropicana su casinonan. E casinonan su compania doño, Caesars Entertainment, no a response na menahenan cu a pidi comentario diabierna ni dialuna.

Segun documentonan for di e division cu ta e brasa checutivo, dia 23 y 24 di februari den 2022 el a acepta 42 bet via kiosk den persona pa 12 wega di basketball despues cu e resultadonan ya caba tabata conoci. William Hill a paga un poco mas cu 5,000 dollar na clientenan di 6 apuesa prome cu el a ripaa cu e saki tabata un error. E resto di e apuestanan a keda anula y e

clientenan su apuesta inicial a keda debilbi.

William Hill a tira e culpa riba e proveedor di contenido, OpenBet, cual no a responde tampoco na peticion pa comentario.

Erornan similar a permiti apuesta ilegal riba dos wega di boxeo. Umn dia 11 di juni den 2022, William Hill a acepta apuesta pa un pelea di Chris Kongo-Sebastian Formella cu a ser promociona como cu e lo cuminsa 12or. Sinembargo 11:15am el a cuminsa y el a caba 11:55am. Dia 15 di april 2023, William Hill a acepta

apuesta den fpelea di Denzel Bentley-Kieran Smith despues cu e pelea aki tambe, a caba. E compania a pone e pelea cu un comienso di 12or, sinembargo el a cuminsa 11:55 di mainta y a caba 45 seconde despues cu un knockout.

E division tambe a duna un boet na Amelco, un compania di tecnologia di apuesta, di 10,000 dollar pa violacionnan cu ta inclui permiti PlayUp acepta apuesta den maart di 2022 cu Transportation Secretary Pete Buttigieg lo bira e proximo president di Merca. Aunke recientemente corte su decisionnan a permiti bet po-

litico den ultimo luna su eleccion, esaki no tabata permiti na momento cu e bet a ser haci. PlayUp a usa Amelco y SportRadar como su proveedor. Den documentonan entrega cu e division di implementacion, Amelco a bisa cu SportRadar a pone e eleccion di presidencia Mericano bao un categoria di bet cu Amelco a marca como berdadero, automaticamente poniendo esaki riba su menu di mercado di apuesta.

Amelco a conta e division cu su propio ekipo a fracasa den reconoce e eleccion Mericano como un evento cu no por haci apuesta riba dje.



Ministro encarga cu Turismo y Salubridad ta anuncia cu entrante **12 december 2024** durante 14 dia lo tin oportunidad pa un y tur tuma conocimiento na Departamento di Legislacion y Asunto Huridico, **Schotlandstraat 53**, di un peticion cu a ser haci pa obtene un **slijtvergunning** pa e parcela na **L.G. Smith Boulevard 150, Lok 3**. E permiso aki ta concerni e.o. benta di bebida sterki y zwak por detal y pa consumi unicamente otro caminda cu den e percela. Den e periodo aki tur hende por expresa por escrito nan desacuerdo contra dunamento di e permiso menciona, dirigi na e Ministro encarga cu Turismo y Salubridad via intermediacion di Director di Departamento di Legislacion y Asunto Huridico, Schotlandstraat 53.



Aanvraag goedkeuring verkavelingsplan te Picaron conform art. 33 van de Landsverordening ruimtelijke ontwikkeling (LRO). Het ontwerp verkavelingsplan ligt **vanaf 11 december 2024**, onder voorbehoud van alle rechten dat het verkavelingsplan gewijzigd kan worden, gedurende een maand tijdens kantooruren, voor een ieder ter inzage bij **DIP, Sabana Blanco 68**. Het plan is ook te bekijken op www.dip.aw. Belanghebbenden kunnen tot een maand na deze termijn schriftelijk hun zienswijzen indienen over het ontwerp verkavelingsplan bij de Minister van Algemene Zaken, Innovatie, Overheidsorganisatie, Infrastructuur en Ruimtelijke Ordening door tussenkomst van de directeur van de DIP.



Peticion pa aprobacion di un plan di parcelacion na Picaron conforme art. 33 di e Ordenanza di desaroyo territorial (LRO). E concepto di e plan di parcelacion ta poni pa inspeccion publico na **DIP, Sabana Blanco 68**, cu reserva di tur derecho cu cambianan por wordo hasi na e parcelacion, durante un luna **desde dia 11 december 2024** durante oranan di trabao. Tambe e plan por wordo mira riba www.dip.aw. Interesadonan por entrega te cu un luna despues di e termino aki nan punto di bista por escrito tocante e concepto di e plan di parcelacion serca Ministro di Asuntonan General, Organizacion Gubernamental, Infrastructura i Planificacion Ambiental pa medio di e director di DIP.

OpenAI ta lansa generador di video AI Sora pero ta limita con e por ilustra hende

(AP) - OpenAI publicamente a lansa su generador di video cu inteligencia artificial Sora pero e compania no lo laga mayoria usuario usa esaki pa ilustra hende mientras e ta monitor patron di mal uso.

Usuarionan di e version premio di OpenAI su producto ChatGPT awo por usa Sora pa instantemente crea video genera pa AI basa riba instruccionnan por escrito. Entre e ehempelnan cu a duna ta videonan di calidad halto di por ehempel pushi ta bebe coffee.

Sinembargo un grupo chikito di tester por usa Sora pa crea video di ser humano mientras OpenAI ta "traha pa atende preocupacionnan tocant e mal uso di hende su identidad y deepfake," e compania



a bisa den un publicacion.

Hermenan di AI manera text-to-video manra Sora a ser pinta como un manera pa spaar costo den crea videonan di entretenimento y marketing nobo pero tambe a trece dilanti preocupacionnan e facilidad cu cual nan por impersona hendenan real den politica y otronan.

OpenAI bisa cu e lo blokia e contenido cu tin desnudes y cu un gran prioridad ta di preveni e mayoria di uso dañino, incluyendo material di abuso sexual di mucha y deepfake sexual.

E producto altamente anticipa a ricibi asina hopi respuesta despues di su publicacion



dialuna cu OpenAI a temporariamente pausa e creacion di cuentanan nobo. "Actualmente nos ta teniendo trafico pisa y a deshabilita creacion di cuenta pa Sora," segun su pagina web.

OpenAI prome a revela Sora mas trempan den e aña aki pero a bisa cu prome nan kier a dialoga cu artistanan, cre-

adornan di politica y otronan prome cu lansa e producto aki pa publico.

E compania, cual a ser demanda pa algun autor di The New York Times tocante su uso di trabao protegi pa train ChatGPT, no a revela ki fuentenan di imagen y video a ser usa pa train Sora.

TikTok ta cada biaha mas cerca na un posibel prohibicion na Merca



(AP) - TikTok su futuro na Merca ta parece incierto riba diabierna despues cu corte di apelacion diabierna a rechasa un desafio legal na un ley cu ta rekeri e plataforma di rednan social cota laso cu su compania mayor basa na China of ser prohibi pa mita di januari.

Un panel di 3 hues di U.S Court of Appeals pa District of Columbia Circuit a declara unanimamente cu e ley por contra critica constitucional, contrarestando argumentonan di ambos compania cu e statuut ta den violacion di nan derecho y e derecho di usuarionan di TikTok na Merca.

E gobierno a bisa cu e kier pa ByteDance, TikTok su compania mayor deshaci di su bienes. Sinembargo si e

cu ta haci uso di esaki pa entretenimento y conexion.

Den nan demanda, TikTok y ByteDance, cual tambe ta den e caso, a desafia e ley di varios banda, argumentando den parti cu e statuut ta contra First Amendment y ta un proposicion inconstitucional cu ta inhustamente contra e dos compania.

Sinembargo corte a tuma parti pa abogadoan di Departamento di Husticia cu a bisa cu e gobierno tabata purbando di atende e preocupacionnan di seguridad nacional y e manera den cual e ta scoge di haci esaki no ta den violacion di e constitucion.



Departamento di Husticia a argumenta den corte cu TikTok a posee un riesgo di seguridad nacional a causa di su conexionnan na China.

Oficialnan a bisa cu e autoridatnan Chines por obliga ByteDance pa entrega informacion tocante TikTok su usuarionan Mericano of usa e plataforma pa plama, of wanta informacion. Sinembargo, Merca no a provee ehempel di manera publico di esaki ta pasa.

E corte di apelacion, skirbi pa Hues Douglas Ginsburg, a bisa cu ley ta "cautelosamente crea solamente pa lidia cu control di un enemigo den exterior." E huesnan tambe a rechasa e acusacion cu e statuut tabata fuera di ley of ta tuma un propiedad den violacion di Fifth Amendment. Ademá, Ginsburg a skirbi e ley cu no ta den violacion di First Amendment pa motibo cu e gobierno no ta buscando manera di "wanta contenido ni rekeri un cierto mescla di contenido" riba TikTok.



Accidente pa falta di preferencia na e crusada banda di Huan Zhan na Montaña



Diamars mainta a drenta informe di un accidente na e crusada di Huan Zhan na Montaña, mesora a dirigi un patruya na e sitio.

Na yegada di e patruya a bin compronde cu e vehiculo Volkswagen Tiguan no a duna preferencia na e Mazda pick-up BD50 y a bay dal den e baki. Afortunadamente ningun hende a resulta herida.



Atrobe accidente ta bolbe sosode na crusada di Sero Pita



Dialuna anochi a drenta informe di un accidente na e crusada di Sero Pita, mesora a dirigi un patruya na e sitio.

Na yegada di e patruya a bin compronde cu aki ta trata di un accidente pa falta di preferencia unda e chauffeur di un auto a subi e crusada sin a mira e pick-up truck ta bini y nan a dal den otro. Aunke e impacto tabata fuerte y cu basta daño material toch afortunadamente ningun hende a resulta herida. E chauffeur di e auto a keda basta spanta si pero sin ningun herida.

feur di un auto a subi e crusada sin a mira e pick-up truck ta bini y nan a dal den otro. Aunke e impacto tabata fuerte y cu basta daño material toch afortunadamente ningun hende a resulta herida. E chauffeur di e auto a keda basta spanta si pero sin ningun herida.

Candela na un adres na Kas Ariba tabata menasa casnan den vecindario



Dialuna anochi a drenta informe di un candela cu ta birando grandi na Kas Ariba, mesora a dirigi tanto polis como bombero na e sitio.

Na yegada di e patruya a bin compronde cu aki ta trata di poco sushi cu tabata ser kima patras di un cas

bandona pero como cu esaki tabata expandiendo e por a bira un menasa pa e casnan den vecindario y polis a pidi presencia di bombero cu mas urgencia. Na yegada di bomberonan a inicia cu un combate fuerte y directo cual a logra paga esaki mesora y a evita di cu esaki bira un peliger pa e otro casnan.

Chauffeur a perde control y a dal auto contrario y cura di cas



Dialuna anochi a drenta informe di un accidente cu hende herida na Siribana, mesora a dirigi tanto

polis como ambulans na e sitio.

Na yegada di e patruya a bin compronde cu aki ta trata di un accidente unda cu un chauffeur a perde control, bay banda robes di caminda, dal un auto contrario cu a purba desvia pero a haya sla tambe y finalmente e auto cu a perde control a bay dal un cura di cas. Debi na e impacto ambos chauffeur a resulta herida. Na yegada di e ambulansnan nan a atende e victimanan y a transporta nan pa hospital.

Chauffeur a reacciona mucho laat y a bay dal tras di un Lexus na Hooiberg




Dialuna atardi a drenta informe di un accidente cu hende herida na Hooiberg, mesora a dirigi tanto polis como ambulans na e sitio.



Na yegada di e patruya a bin compronde cu e chauffeur a brake mucho laat y a bay dal tras di e Lexus. Debi na e impacto a hiba e muchanan herida den auto particular y a cancela e ambulans.

Accidente semi-frontal cu varios hende herida dilanti Romar Trading



Diadomingo anochi a drenta informe di un accidente cu hende herida na altura di Romar Trading na Schotlandstraat, mesora a dirigi tanto polis como ambulans na e sitio.

Na yegada di e patruya a bin compronde cu aki ta trata di un accidente

semi-frontal unda un Toyota Vitz a bay na e banda robes di caminda y a bay dal riba e Ford Escape den cual tabata tin un mucha herida. Na yegada di e ambulans nan a atende e mucha y a transport'e pa hospital. Polis a test ambos chauffeur y ambos tabata bebi y a detene tur 2 pa a core bao influencia di alcohol.



Chauffeur no a regula su velocidad ni a mantene distancia na rotonde Paperclip



Diadomingo atardi a drenta informe di un accidente na Paperclip rotonde, mesora a dirigi un patruya na e sitio.

Na yegada di e patruya a bin compronde cu aki ta trata di un accidente unda cu un chauffeur no a regula su velocidad ni a mantene distancia a bay dal tras di e auto su dilanti.

Homber a yega su cas na Timbalstraat tur maltrata



Dialuna madruga a drenta informe di cu tin un persona a yega tur maltrata na su cas na Timbalstraat, mesora a dirigi tanto polis como ambulans na e sitio.

Na yegada di e patruya a bin com-

pronde cu aki ta trata di un persona maltrata cu un kap na cabes. Na yegada di e ambulans nan a atend'e y a transport'e pa hospital pa asina e ricibi un tratamiento medico mas avansa.

Polis a para motociclista coriendo cu scooter sin papelnan na ordo



Dialuna madruga polis a bin topa un scooter coriendo riba e Green Corridor cu un scooter y a dun'e señal pa e para.

Ora el a para polis a pidi'e e papelnan di e scooter. A bin resulta cu e papelnan no ta na ordo y a confisca e scooter.

Turista masculino peaton alcanza pa un auto pa motibo di autonan mal staciona

Diadomingo anochi a drenta informe di un accidente dilanti hotelnan na Palm Beach, mesora a dirigi tanto polis como ambulans na e sitio.

Na yegada di e patruya a bin compronde cu e turista peaton aki a ser alcanza pa un vehiculo door di cu tin autonan mal staciona riba acera dilanti e hotelnan. Na yegada di e ambulans nan a atende e victima y a transport'e pa hospital.



Vacacion Comision di Retiro



Director di Departamento di Labor y Investigacion ta ricibi conseho di e Comision di Retiro cu ta delibera ariba tur peticion di retiro entrega na Departamento di Labor y Investigacion pa un of mas dunado di trabao cu e meta pa por ricibi un permiso pa termina un relacion di trabao cu un of mas trahado.

Un comision independiente cu ta consisti di representanten di organisacion di dunado di trabao y representanten di e mundo di sindicato (Artikel 3 Landsverordening Beëindiging Arbeidsovereenkomsten).

Na tur cliente di Departamento di Labor y Investigacion cu tin caso relaciona cu e permiso aki ta anuncia cu e Comision di Retiro ta bay cu vacacion di 18 di december 2024 te 08 di januari 2025.

Tur peticion pa por termina un relacion di trabou ta keda den proceso. Casonan cu ta rekeri pa bay Comision di Retiro y cu ta pendiente di e proceso di contradeci (verweerproces) lo mester tene cuenta cu un retraso den esaki. Na januari 2025 ta entrega tur caso pendiente na e Comision di Retiro.

DAO: Peticion pa Werkboek

Director di Departamento di Labor y Investigacion ta informa cu en conexion cu dianan di fiesta venidero, lo acepta y procesa peticionnan relaciona cu werkboek te cu diabierna 13 di december 2024.

Entrante januari 6, 2025 lo cuminsa ricibi peticion y procesa werkboek bek.

Departamento di Labor y Investigacion ta pidi disculpa pa cualkier inconveniencia cu esaki por trece cune, y ta desea pueblo di Aruba un feliz y saludabel dianan di fiesta.

Cambio den prijs di
productonan petrolero 11
december 2024



Minister di Asuntonan Economico, Comunicacion y Desaroyo Sostenibel ta anuncia e prijsnan nobo di benta di combustibel entrante 11 december 2024:

Gasoline unleaded-premium: 233,7cen p/ltr. (-4,7cen)
Diesel LS: 205,6cen p/ltr. (- 0,6 cen)
Kerosin: 181,2cen p/ltr. (- 0,7cen)

E prijsnan ta inclui BBO/BAZV/BAVP.

King Classic Sudoku

	2	7			9	8		
8	1			2			3	
6					1	4		
	5	6		7				3
3	8			1			9	4
7			9					
1								
	6	8	3		7		5	
2				4		9		

Difficulty: ★★★

12/11

©2024 King Features Syndicate, Inc.

Resultado Sorteo 10 december 2024				
Cadena Alexander Lottery ta presenta resultado di weganan di suerte				
DIARIO		KORSOU	SUPER4	FLAMINGO
3618		4487	4151	9750
4453		2901	SUPER5	7737
9356		2837	-	8591

MERDIA		ANOCHI	
Sorteo # 4475		Sorteo #	
9614		Joker Letter	
6008		Proximo Jackpot	
4117		130.000,-	
FP			
Sorteo # 4475		Sorteo # 6681	
4394		Proximo Jackpot	
		0 x Jackpot	
FP		4 x Match 4	
		171 x Afl 8,00	
Sorteo # 2531			
6381		07-14-15-23-27	
Sorteo # 4475		Proximo Jackpot	
3016		55.000,-	
Tauro			
Sorteo # 1349		Sorteo # 1722	
138		0 x Jackpot	
		0 x match 4	
FP		2 x Afl. 500,00	
		38 x Afl 50,00	
		53 x Afl.15,00	
		Afl. 500.000,-	

Sorteo #		Sorteo # 168	
		254788	



Dokter na warda

Oranjestad San Nicolas
Hospital Imsan
7:00 pm / 10:00 pm 24 ora

Botica na warda

Oranjestad: San Nicolas:
del Pueblo: Seroe Preto:
Tel. 582 1253 Tel. 584 4833
EMERGENCIA **911**

POLIS

Oranjestad 100
San Nicolas 104
Santa Cruz 105
Noord 107
Tip Line 11141
Brandweer 115
Ambulance 911
Hospital 527-4000
Imsan 524-8833
Warda Costa 913
Seguridad Nacional 11911
Cruz Cora 582-2219

BOTICA

Aloe 584-4606
4 Centro Medico 584-5794
Central 585-1965
Dakota 588-7364
Del Pueblo 582-1253
Eagle 587-9011
Kibrahacha 583-4908
Maria 585-8145
Di Servicio Noord 586-4606
Oduber 582-1780
Paradera 588-6638
San Lucas 584-5119
San Nicolas 584-5712
Santa Anna 586-8181
Santa Cruz 585-8028
Sero Preto 584-4833
Trupial 583-8560

UTILIDAD

Setar 117
Web 525-4600
Elmar 523-7147

FUNERARIA

Aurora 588-6699
Royal Funeral H. 586-4444
Ad Patres 584-2299
Olive Tree 584-8888

Servicio di Taxi

Aruba Transfer Tour & Taxi C.A.
Tel: 582 2116 / 582 2010

Taxi Adres Services (24h)
Tel. 587 5900

A1 Taxi Services Aruba
Tel: 587-8850
Tel: 280-2828
Whatsapp: 592-7024

Cas Di Cultura

Vondellaan 2 Aruba
297-582-1010

F A D A

Campanastraat 5 Aruba
297-583-2999
297-583-9610

F A V I

Primavera 233 Aruba
297-582-5051
297-582-5222

F E P O

Engelandstraat 15 Aruba
297-583-1016
297-583-6607

Fundacion Contra
Violencia Relacional

Tel: 583-5400

Fundacion Autismo
Aruba

Irenestraat 21 Aruba
297-588-1179

Fundacion Pa Nos
Muchanan

Cumana 2 Aruba
297-583-4247

Fundacion Tel Pa
Hubentud

Wilhelminastraat 19
Aruba
297-588-6138

Koningin Wilhelmina
Fonds

Spinozastraat 9 Aruba
297-582-0412

Mary Joan Foundation

Sabana Blanco 8 Aruba
297-588-9999

Rode Kruis Aruba

Pedro Gallegostraat 14
Tel. 297-582-2219
Fax 588-3376

Famia Planea (SBVO)

Avenida Milio J Croes 17
B Aruba
297-588-9591
www.famiaplanea.org
famiaplanea@hotmail.com

Stichting Fundacion
Guia Mi

George Madurostraat 34
297-582-0088

Y M C A

Calbasstraat 1 Aruba
297-582-3072

AL-ANON group

Sabana Liber #8, Noord
(close to the hotels)
Tel: 736-2952 or
593-7081

Manifestantenan na Macedonia del Norte ta existi accion contra contaminacion



(AP) - Miles di manifestantenan na Macedonia del Norte a manifesta diamars pa existi un miho calidad di aire den ciudadnan cu ta entre esnan mas contamina na Europa.

Den e capital, Skopje, e manifestanten a reuni pafo di Ministerio di Ambiente, algun bistiendo mascaranan di gas pa enfatisa e problema cu autoridadnan ta culpa pa mas o menos 3,500 morto prematuro anualmente.

E nivelnan di contaminacion hopi biaha ta aumenta durante lunanan di winter a causa di e uso amplio di candel. Varios vivienda urbano, cu no por cubri gastonan di calentamento central, ta recurri na kima palo, taira bieu, plastic y otro materialnan, liberando un mezcla toxico di kimiconan dañino.

E organisadornan di e manifestacionnan a haci yamado pa un accion nacional poco comun despues di winter a trece otro aumento den nivel di contaminacion den

aire. Nan ta existi regulacion di gobierno mas estricto pa trafico y e industria, citando e decadanan di negligencia.

Gorjan Jovanovski, un campañado pa ambiente prominente cu a crea un aplicacion pa monitor e calidad di aire, a bisa contaminacion ta obligando esnan cu ta biba den e ciudad huy como "migrantenan ecologico." "Ta suficiente! Nos a warda decadanan pa e gobierno tuma accion, pero nos no a haci nada," Jovanovski a comenta.

Segun e Union Europeo su autoridadnan di salud, e nivelnan di contaminacion na Skopje y otro ciudadnan di e pais cu hopi biaha ta supera World Health Organization su limitenan mas di 4 biaha.

Miles di persona a uni diamars su manifestacionnan cu a ser organisa pa Green Human City, un di varios organizacion cu ta campaña pa ambiente grandemente enfoca riba contaminacion di aire.



Pronostico di Tempo

Tempo:

Awe tardi y awe noch: parcialmente nubia cu un awasero pasahero
Den marduga y mañan: temporalmente hopi nubia cu chance pa un awasero local

Temperatura maximo
32 grado Celsius

Temperatura minimo 27 grado Celsius

Indice di calor (heat index) den y rond di oranan di merdia: 33 pa 38 grado Celsius
Uv index: 8

Bahada di solo: 6:15pm
Subida di solo: 6:51am

Biento:

Moderado for di generalmente direccion oost; forsa 3 te 4 (12 te 30km/ora, 7 te 16 nudo) durante di dia basta fuerte te posiblemente fuerte
Den rafaga; forsa 5 te 6 (31 te 50km/ora, 17 te 27 nudo)

Situacion general di
tempo:

Aire humedo ta wordo transporta pa region local cu e biento. De bes en cuando esaki lo trece mas nubia riba e isla cu por produci algun awasero breve, principalmente den oranan di marduga y mainta.

Condicionnan
maritimo/ estado di
lama:

Na partinan protegi di costa: keto, rond di 1 pia.
Na partinan zuid: tranquil 1 pa 2 pia localmente 3 pia.
Na partinan oost te noordwest di costa: generalmente moderado cu olanan alrededor di 4 pa 6, localmente 7 pia.

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

Ma pa loke ta ami, lo mi keda vigila,
Sperando riba Yehova. Lo mi warda ku
Pasenshi riba Dios, mi salvador. Mikeas
7:7

Nos ta anuncia fayecimento di nos ser
stima:



Braula Tromp

*26 Maart 1936 - †8 December 2024

Na number di su:

Yunan: Franklyn y Patricia Franken
†Rudy Franken
Nestor y Florentina Franken
†Oscar Franken

Nietonan: Saskia y Patrick Fortin-
Franken, Daisy Franken y Remigio
Rasmijn, Mirjam y Bas Bruins-Franken,
Nathaly Franken, Julitsa Franken, Milton
Franken, Shamila Franken, Oscar Jr
Franken y Maira Alejandra Suarez Rivera

Bisanietonan: Kevin y Jaéndrah
Hernandez, Emily y Jacqueline Mohamed,
Jaythan Dovale, Mariana Franken Suarez

Rumannan: †Teresita Tromp y famia
†Catharina Oduber y famia
Bertha Fingal-Tromp y famia
†Andrea Tromp y famia
Pascualita Tromp y famia
Magdalena Tromp y famia
Livia Vrolijk Tromp y famia
Ali Milo Lacle y famia

Mihor Amiga: Patricia

Demas famia. amigonan, conocirnan
y bisinanan: Tromp, Franken, Ruiz,
Oduber, Fingal, Lacle, Arends, Vrolijk,
Muñoz, Trimon, Semeleer, Wolter,
Russel, Rusfeld, Stamper, Ras, Giel,
Hernandez Dovale, Mohamed, Suarez,
Wester.

Nos kier a pidi disculpa si nos por a lubida
un famia den nos tristeza

Nos ta invita bo pa acto entiero cu lo
tuma lugar diamars 17 di december 2024
na Aurora Funeral Home di 9or pa 11or
di mainta. Y despues lo sali bai pa santana
catolico na Noord.

Nos ta lamenta cu despues di entiero nos
no por ricibi bishita di condolencia na cas

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

“Señor ta mi wardador, mi’n tin falta di nada
Den cunucu di yerba berde e ta ponemi
sosega.
E ta hibami na awa trankil,
Pa mi bolbe haña forsa”.
Salmo: 23

A laga nos cu Fé den Señor:



Elsa Elvira Boot-Kock

Mihor conoci como : “Elvira of Chivira”
Casa di Pieter Boot
*19-10-1947 Aruba
†30-11-2024 Colombia

Na number di su:

Yunan y nieta(o)nan:
Michel Boot y Rebecca Maduro (Aruba)
Amilia y Rachel y mama Patricia (New York)
Marco y Silvana Boot Arango (Aruba)
Stephany y Brandon
Monique Boot y Rene de Meij (Hulanda)
Nicky y Julian

Rumannan na Aruba:
Carmen de Cuba y famia
Chommy y Annie Kock vd Bosch
Chinchin y Denny Kock Willems y famia
Cholita y Alberto Oviedo y famia
Lidia y Erwin Borgelt y famia

Ruman na Hulanda:
Edwin Kock y Helena Jablonski y famia

Swa y cuñanan na Hulanda
Hanny y Willem Overduin y famia
Leo y Liesbeth Boot y famia
Jurien Boot y famia
Jan y Bertha Boot y famia

Marleen y Herman Huson y famia
Corien Boot
Marijke Boot
Eddy y Anjo Boot y famia

Y demas famia: Arends, Arango, Boot, vd
Berg, Borgelt, vd Bosch, de Cuba, Dijkhoff,
Erasmus, Garcia, Huson, Jablonski, Kock,
Maduro, de Meij, Paskel, Overduin, Oviedo,
Quist, Verloo, Willems

Nos ta pidi disculpa si den nos tristesa por a
lubida di menciona cualkier famia of conoci.

Acto di entiero lo tuma lugar Diasabra 14 di
December 2024 di 9’or pa 11’or di mainta na
Aurora Funeral Home. Despues lo sali bai pa
santana central na Sabana Basora.

Nos ta lamenta cu despues di entiero no ta
ricibi bishita di condolencia na cas.

“Ki alegria, ora nan a bisa
mi; “laga nos ban cas di
Senjor”
I awor ata nos para na bo
portanan,
Herusalem.”
Salmo 122



Conforme cu boluntad
di Dios nos ta participa
fayecimiento di:

Romualdo Geerman

Mihor conoci como: “Maldo”
*07-06-1955 - †07-12-2024



Na number di su:

Casa: Erna Filomena Geerman-Maduro
Mama: †Maxima Maduro
Tata: †Nemencio Geerman

Rumannan:
Elizabeth Geerman y famia
Roberto y Ana Geerman
Lourdes Geerman y famia
† Ovito y Juana Geerman y famia
† Ludwina y Bello Maduro y famia
Johnny y Angeline Geerman y famia
Franklin Geerman
Raul y Betty Geerman y famia
Barbara Geerman y famia
Ronald y Sandra Geerman y famia
Lini Geerman y famia

Padrino: Faustin Geerman
Madrina: Frida Tromp

Tantanen grandi:
Juana Maduro y famia
Clara Fingal y famia

Suegro: †Crismo Maduro
Suegra: †Romana Maduro

Swa:
Jaime Maduro y famia
†Irwin Maduro

Cuñá:
†Elvira Maduro y famia
†Regina Peña-Maduro
Subrino y subrinanan:
Kevin Howell
Jeannette Maduro
Janine Maduro
Jane Peña

Demas primo, primanan subrino y subrinanan cu ta
mucho pa menciona.
Subrina cu semper tey pa juda: Kenjah Howell

Bon amigo di cas: Angel Wever
Ex colleganan di Serlimar

Demas famia: Geerman, Maduro, Tromp, Quandt,
Greauw, Kock, Dirksz, Howell, Nicolaas y Werleman.
Ta invita tur famia, amigo, bisia y conocirnan, pa asisti
na e acto di Despedida cual lo tuma lugar Diahuebs 12 di
December 2024 for di 2or pa 4or di atardi na Ad Patres
Funeral Home and Crematorium.
Acto di cremacion lo tuma lugar den seno familiar.

Oportunidad pa Condolencia lo tuma lugar Diaranson 11
di December 2024 di 7or pa 9or di anochi na Ad Patres
Funeral Home & Crematorium.

Nos disculpa si den nos tristesa nos por a lubida di
menciona algun famia.
Nos ta lamenta cu despues di despedida nos no lo ricibi
bishita di condolencia na cas.

*Staff y Personal di Ad Patres Funeral Home & Crematorium ta
extende nos mas profundo condolencia na famia di e fayecido.*

Aurora

Royal Pray

Funeral Home & Crematory

“Señor ta mi forsa, mi escudo: mi curason tin fe den dje. Anto mi a haya yudansa, mi curason ta hubila y mi ta gradici’e den mi cantica.”
Salmo 28:7



Cu inmenso tristesa na nos curason pero conforme cu boluntad di Dios nos ta participa fayecimento di nos mama, wela, bisawela y tanta:

Carlixa de Jesus vda di Pardo

Cariñosamente yama: ‘Mami Carlita’
★ 9 april 1935 - † 6 december 2024

Na number di su:

Esposo: †Pedro Alfonso Pardo

Yiunan: †Pedro Alberto Pardo

Sara Pardo

Nuri Pardo

Sandra Geerman - Pardo y Ronald Geerman

Olga Pardo y Joram Pannekoek

Yiunan di criansa: Gislène Semerel y Jamil Werleman

Ryan y Lizeth Semerel

Nieto(a)nan:

Shamir Sylvania y Jetnny Sylvania- Portela y famia

Shaitsy Ignatius - Sylvania y Angelo Ignatius y famia

Nishenou Felix

Urich Pardo

Rosandy Geerman

Urwayne Pardo

Garey Dañe y Julie Alexander y famia

Gregory Kock y Emily Brete y famia

Juliene Jansen

David Werleman

Genesis Werleman

Riley Semerel

Vayën Semerel

Lowen Semerel

Dion Hassell

Zyon Mercelina

Ariana Agustin

Amaliah Agustin

Bisanietonan: Xzion Parra, Jayden Sylvania, Urjion Pardo, Xenia Ibarra, Zavian Ignatius, Jaytzel Sylvania, Uxianny Pardo, Uxionn Pardo, Edrick Kock, Ariella Kock, Dahlia Dañe

Sobrinonan: Louis Vrolijk y Ingrid Vermeulen
Franklin Vrolijk y famia

Manera yiu: Safira Becker, Leen Statia, Stella Toms, Velma Albertus, Michael y Lisbeth Agustin y famia, Cleo Reina-Murray y famia y demas yiu- y nietonan di criansa cu ta demasiado pa menciona.

Su bon bisañanan: Daisy Tromp y famia, Lisandra Bernabela y famia, Soinise Antoine y famia, Hubert Kock y Mariana Kock- Sierra y famia

Su comper: Rafael Martinez

Bon amiganan di cas: Irma Eights y famia, Magaly Winklaar-Farro y famia, Miracley Mercelina y famia, Milady Erasmus y famia, Lucia Holsman, Visia Tromp y famia, Pascuala Pretel y Ruth Galarowicz

Su ayudante: Magalys Garcia - Morales y Fundacion Hospice Atardi

Su pelukera: Gloria

Su comer- y compernan, ex-compañeronan di grupo Honey Bees y demas famia: de Jesus, Pardo, Sylvania, Felix, Geerman, Ignatius, Semerel, Jansen, Statia, Stroop, Reina-Murray, Toms, Albertus, Eights, Werleman, Vrolijk, Kock ta invita tur famia, amigo y conoci pa asisti na e acto di entierro cu lo tuma luga diahuebs 12 di december di 2’or pa 4’or di atardi na Aurora Funeral Home. Despues lo hiba e defunto pa su ultimo lugar di sosiego na santana di Sabana Basora.

Nos ta pidi disculpa si den nos tristesa por a lubida di menciona cualkier famia of conoci.
Na lugar di krans of flor lo tin un box disponibel pa haci donacion na Fundacion Hospice Atardi.

Despues di entierro no ta ricibi bishita di condolencia na cas.

Aurora

Royal Pray

Funeral Home & Crematory

"Senor ta mi wardador, mi no tin falta di nada.
Den cunucu di yerba berde e ta ponemi sosega.
E ta hibami na awa trankil, pa mi bolbe hanja forsa"
Salmo: 23

Cu imenso tristesa na nos curazon pero conforme cu boluntad di Dios, nos ta anuncia fayecimento inespera di nos Papa, Welo, Bisawelo, Ruman:



Efraim Maduro

miho conoci como "Falso"
★17-06-1939 - †05-12-2024

Na number di su yiunan:

Frida y Nigel

Rudolfo (Dolf) y Lucia

Robert

Richard

Gina

Mariana

Mirella

Su nieto/a nan:

Rebeca,Marco

Andre,Michelle

Lorena,Rodmar

Marvin,Sheila

Caroline,Treyci

Patrick,Shadeeh

Aldrick

Ghislaine,Roushan

Raybert,Rayon

Maria,casa y yuinn

Eugene

Alexander

Jayton,Dayna

Ryan

Maryann

Roderick

Kendrick

Su Bisanieto/a nan:

Zoe,Meghan,Elijah

Paola,Jaël,Jordan, Jonna

Colin,Nathan

Bellanca,Lomar

Henrik

Jendrick,Luz-Arella, Xhamira,Aldreon

Clainson

Genesis,Jaydrienne, Brainden,Amy,Elysse, Kheian

Ryzan,Rosabel,Ryxianne

Aryann

Ruman nan Sobrino/a nan, Primo/a nan y demas famia na

Aruba y Hulanda

Bisiña, conocir y amistadnan

Bon amigo:

Leoncio van Putten

Gradicimento ta bay na su tempo y dedicacion Sra. Maria

Demas famia:

Maduro, Marchena, Messam, Rodrigo, Arendsz, Doornik,

Koolman, de Jesus, Martinez, Yarzagaray, Croes, Pena,

Jimenez, Lui, Danje, Punselie, Lacle, Kock, Holsman,

Geerman, Ras

Nos disculpa si den nos tristesa nos por a lubida famia of algun conocir.

Ta invita pa acto di condolencia y entierro cual lo tuma lugar na Funeral Home Pray na San Nicolas, diahuebs 12 december 2024 di 9or pa 11or di mainta. Despues ta sali pa Santana Catolico na Savaneta

Aurora

Royal Pray

Funeral Home & Crematory

“Dios ta amor.....y amor ta Dios, Maske mi no ta na e mundo aki , tur dia lo mi ta banda di boso curazon, mi por stens di loke señor ta hasi” Salmo:33

Conforme cu boluntad di Dios y gradecido na loke e a haci y nifica pa nos, nos ta participa fayecimento cristianamente di



Sra Viuda. Petra Filomena Petrochi-Farro

Cariñosamente yama Mena

★29- Juni- 1946 - †6- December- 2024

Na number di su esposo:

† Francisco Antonio (Tony) Petrochi

Yiu nan:

Anthony y Viviana Petrochi.

Eithel Petrochi y Rosa Aponte

†Wendell Petrochi

Yui di Criansa:

Gregory Eckmeyer

Mescos cu yiu:

Jeanny Donata- Kock esposo y yui

Wendy De la Cruz y yui

Nieta- y nietonan:

Angersi, Jonathan y Mylene Croes, Stacey, Axccl,

Giondrick, Jahélly, Jazionne, Grexionne, Jaxionne

Bisa-nieto y Bisa-nietanan:

Anver Petrochi, Mia-Alyseé y Xaiden Tromp,

Cu gratitud na su ajudante stima di cas: Maria Torres

Rumannan:

†Antonio (Tony) Farro

†Aura V/D Biezen-Farro

†Esteban Farro

†Estrella (Cheli) Tromp Farro

†Editha (Dita) Farro

†Pedro (Pe) Farro

† Julia (Je) Eckmeyer Farro

† Lauriano (Lan) Farro

†Medarda (Da) Farro

† Hendrick (Dick) Farro

Agricola (Cola) Pareja-Andrade- Farro

Ludwinus (Tina) Quandus - Farro

Cuñanan: Sra vudia Alicia Petrocchi ,Sra viuda Carmen

Farro-Luidens, Rika Quandus, Sra viuda Editha Farro-

Webb.

Swanan: Rafael Tromp, Carlos Pareja-Adrade

Ex Suegra: Patricia Ricon Ocampo

Bon Amiga y Amigo nan di cas:

Wilfrido y Sincida Allée, Rubia Young.

Sobрино- y sobrinanan, primo- y primanan, comer- y compernan, tur iha.

Demas famia:

Farro, Petrochi, Everon, Abreu, Aponte, Ricon Ocampo,

Tromp, Croes, Donata, De la Cruz, Petrocchi, V/der Biezen,

Luidens, Wever, Jones, Tjon, Eckmeyer, Webb, Gomez,

Pareja Andrade, Quandus, Paesch, de Cuba, Willems,

Kelly, Britten, Lejuez, Odor, Ruiz, Pontiluis, Lampe, Giel,

Franken, Gonzalez, Jansen, Thodé, Vrolijk, Kelly, Britten y

demás famianan

Disculpanos si den nos tristesa nos por a lubida un of mas number di famia

Oportunidad pa condolencia, diahuebs 12 di December

2024 for di 7.00 or te cu 9.00 or di anochi na Aurora

Funeral Home na Cumana

Acto di entierro lo tuma luga diabierna 13 di December

2024, for di 2:00 pa 4:00 di atardi den misa Juan Pablo II

na Tanki Leendert. Despues lo sali pa Santana Catolico na Noord.


Aurora

Royal Pray

Funeral Home & Crematory

The LORD is my shepherd, I shall not be in want.
He restores my soul. He Guides
me in paths of righteousness for his name's sake.
Even though I walk through the
valley of the shadow of death, I will fear no evil, for
you are with me; your rod and
your staff, they comfort me.

It is with profound sadness that we announce the
passing of our beloved husband, father, grandfather,
brother and uncle;



Raymond M. Levenston

Also known as Monchi
Sunrise 4th of February 1955
Sunset 07th of December 2024

Left to mourn his lost are:
Wife: Evelina Levenston-Bernadina
Daughter: Jennifer & Farook Dahoe
Grandchildren: D'Jeandré & Rayshawn

Parents: †Arturo & †Joyce Levenston-John

Brothers:
†Alfredo & Mercedes Levenston-Willems & family
†Glenroy & Emelinda Levenston-Tromp & family
Junior Levenston & †Pamela Levenston-Banfield & family

Sister:
Sharon & Michael Illidge-Levenston & family

Nephews & Nieces:
Alvin, Ryan, Melissa, Jovanny, Junior, Monique,
Michelle, Tommy-Lee & Steffany

Cousins:
Nico John, Richard John, Lydia John, Adolf John,
Rosita John, Clifton Ollivierre, Robby Ollivierre

As a daughter: Valentina

Good friends: Papito & Marvin

His ex-coworkers at Thrifty Car Rental.

Families: Levenston, Bernadina, Banfield, Brown,
Dahoe, Diaz, Donata, Friday, Granger, Halman,
Illidge, Jacques, John, Lourens, Maduro, Martinus,
Mitchell, Tromp, Ollivierre, Servani, Simons,
Susanna, Willems, Van Stralen.

The funeral service for the late Raymond Levenston
will take place on Monday, December 16, 2024. He
will be laid out at the Pray Funeral Home from 2:00
pm to 3:30 pm for condolences. The funeral service
will follow from 3:30 pm to 4:00 pm, after which
the burial will take place at the cemetery in Sabana
Basora.

Please note that we will not be receiving any
condolences at home after the funeral.

We sincerely apologize if, in our grief, we have
unintentionally omitted the names of any family
members.


Aurora

Royal Pray

Funeral Home & Crematory

“Señor ta mi wardador, mi’n tin falta di nada
Den cunucu di yerba berde e ta ponemi sosega.
E ta hibami na awa trankil,
Pa mi bolbe haña forsa”.
Salmo: 23

Cu dolor na nos curason,
nos ta participa fayecimento di:



Johnny Kock

*28-11-1954 - †01-12-2024

Na number di su:

Casa: Lucia Kock, yiuinan, nietonan y famia

Ta invita rumannan, subrino(a)nan, swa y
cuñanan, primo(a)nan, conocirnan y bisiñanan
pa asisti na e acto di despedida cu lo tuma lugar
diahuebs 12 december 2024 na Pray Funeral
Home San Nicolaas di 7’or pa 9’or pm.
Despues nos stima lo wordo crema den seno
familiar.

Aurora

Royal Pray

Funeral Home & Crematory

Libertad
No haci mi dolor
No kit’e fo’I mi
No laga mi keda sin bula manera un parha.
No tawata tin ni dia ni anochi.
No tawata tin momentonan cu mi no tawata pensa
riba mi famia.
No keda ningun dia sin gosa di dje.
Ni kita loke mi a haya sin paga p’e.
No tin placa pa paga pa bo “libertad”
Danki, Tata Celestial, pa duna mi “Libertad”
“Laga mi cu mi Libertad”

Cu dolor na nos curason, nos ta participa fayecimento
inespera di nos ser stima:



Sra. Sandra V. F. F. Growell

*04-12-1962 - †09-12-2024

Acto di despedida lo wordo anuncia despues


Aurora

Royal Pray

Funeral Home & Crematory

“Señor ta mi wardador, mi’n tin falta di nada
Den cunucu di yerba berde e ta ponemi sosega.
E ta hibami na awa trankil,
Pa mi bolbe haña forsa”.
Salmo: 23

Cu hopi tristesa pero conforme cu boluntad di Dios nos ta
anuncia cu a bay laga nos den brasa di Señor



Reina Rufina Croes-Henriquez

*05-10-1943 - †06-12-2024
co-fundador di: TECHNODENT tandtechnische
laboratorium

Na number di su:
Yiuinan: Igor Croes y compañera
Monique Croes
Mark Croes y compañera

Nieto: Nathan Croes

Ta invita rumannan, subrino(a)nan, swa y cuñanan,
primo(a)nan, conocirnan y bisiñanan pa asisti na e acto di
entiero cu lo tuma lugar diaranson 11 di December 2024
na Pray Funeral Home San Nicolaas di 2:00 pa 4:00 pm,
despues lo sali pa Santana central na Sabana Basora.

Nos ta lamenta cu despues di entiero nos lo no ricibi bishita
di condolencia na cas.

Aurora

Royal Pray

Funeral Home & Crematory

“Señor ta mi wardador, mi’n tin falta di nada
Den cunucu di yerba berde e ta ponemi sosega.
E ta hibami na awa trankil,
Pa mi bolbe haña forsa”.
Salmo: 23

Nos ta anuncia fayecimento di:



Ysabel Dania-Arias

*30-07-1947 - †08-12-2024

Acto di entiero lo wordo anuncia despues.

Legisladornan Ruso ta avansa legislacion kitando e designacion di terorista pa e Taliban

(AP) - E parlamento Ruso a duna aprobacion inicial ayera na un legislacion cu lo traha caminda pa Moscu kita e designacion di e Taliban na Afganistan como un grupo terorista.

Bao e legislacion aproba pa e Duma Estatal den e prome di tres audiencia rekeri, e designacion oficial di terorista pa un organizacion por ser suspendi temporalmente pa e corte. E legislacion tambe lo mester ser aproba pa e senado y firma pa presidente Vladimir Putin pa asina bira ley.

E Taliban tabata poni riba e lista Ruso di organisacionnan terorista na 2003, y cualkier contacto cu gruponan asina ta castigable bao ley Ruso. Na mesun momento, e delegacion Taliban a asisti na varios




forum organisa pa Moscu. Oficialnan Ruso a descarta cuestionamento tocante e contradiccion por medio di enfatisa e necesidad pa laga Taliban participa pa asina

yuda stabilisa Afganistan.

E Union Sovietico a bringa un guerra di dies aña na Afganistan cu a resulta den Moscu retirando su trupanen na 1989. Desde e tempo ey, Moscu a haci un comeback diplomatico como un mediador di poder influencia, organisando discusionnan riba Afganistan envolviendo representantenan mayor di e Taliban y nacionnan den bisindario.

Tin un division profundo den e comunidad internacional riba con pa mancha cu e Taliban, ken a tuma over poder na 2021 y no ta enfrente ningun oposicion interno of externo. E gobiernantenan na Afganistan a persigui conexion bilateral cu podernan grandi den e region.

Homber acusa den e asesino di CEO di UnitedHealthcare a ser deteni



(AP) - Luigi Nicholas Mangione, sospechoso principal den e asesinato di CEO di UnitedHealthcare Brian Thompson, a ser deteni dialuna despues cu polis a bisa un empleado na McDonald's na Altoona, Pennsylvania, a alerta nan di un cliente cu a parce e sospechoso. Ora el a ser deteni, Mangione

tabatin cune un pistol cu investigadornan ta kere a ser usa den e atake y notanan expresando rabia na e mundo corporativo na Merca, polis a bisa.

E acusado a aparece den un sala di corte na Pennsylvania ayera, unda e hues a nenga fianza y su abogadoonan a bisa cu e lo bringa extradicion pa

New York City, unda e atake a sucede.

Mangione ta deteni riba cargonan di Pennsylvania di posesion di un arma no licencia, fraude y pa entrega identificacion falso na polis. Fiscalnan di Manhattan a acus'e di cinco conteo criminal, incluyendo asesinato, posesion criminal di un arma

y posesion criminal di un instrumento fraudulento.

Ki evidencia a ser colecta? Ademas di un documento di tres pagina cu ta sugeri cu e tabatin "sentimentonan malo contra e mundo corporativo na Merca," hefe di detective na pa e NYPD, Joseph Kenny, a bisa dialuna cu Mangione tambe tabatin un pistol fantasma, un tipo di arma cu por asamblea na cas y ta dificil pa rastrea.

Polisnan a cuestiona Mangione, ken tabata actuando sospechoso y cargando varios identificacion fraudulento, como tambe un paspoort Mericano, Notario di NYPD Jessica Tisch a bisa. polis tambe a haya un supresor di zonido pa pistol "consistente cu e arma usa den e asesinato," el a bisa.

E tabatin paña y un tapa boca similar cu e perpetrador a bisiti y un identificacion fraudulento di New Jersey cu ta pas cu esun cu e sospechoso a usa pa check in den un hostel na New York City prome cu e tiroteo, e notario a bisa.

Ta sospecha cu Magione tabata motiva pa su rabia na kico el a yama companianan di seguro di cuido "parasitico" y un disgusto pa codicia corporativo, segun un boletin di polis cu AP a obtene.

El a skirbi cu Merca tin e sistema di cuido medico mas caro na mundo y cu e ganashi di mayoria corporacion ta sigui crece mientras "nos duracion di bida" no ta crece cune, segun e boletin a bisa, basa riba un evaluacion di e notanan skirbi pa e sospechoso y publicacionnan riba red social.

Hombenan arma ta secuestra al menos 50 hende na Nigeria

(AP) - Hombenan arma a secuestra decenas di hende den e parti noroeste di Nigeria, segun residentenan y polis a conta AP ayera, den e secuestro masivo masal recien den e region.

E perpetradornan a secuestra al menos 50 hende, incluyendo varios hende muhe y muchanan, den e area di Maradum na Zamfara du-

rante weekend, residentenan a bisa. Yazid Abubakar, un vocero pa e polis na Zamfara, a confirma cu e secuestro a tuma luga pero no a duna mas detaye.

Ningun grupo a tuma responsabilidad pa e secuestro, cual localnan a culpa riba gruponan bandido conoci pa asenatonan masal y secuestronan pa rescate den e region plaga cu conflicto,

mayoria di nan ciudadornan di bestia den conflicto cu comunidadnan estableci.

Halliru Attahiru, un lider di comunidad na Maradun di ken su sobrina ta entre esnan secuestra, a bisa cu e redada di e hombernan arma a dura mas cu dos ora. "Ainda e gobierno no a tuma accion."

E perpetradornan no a tuma contacto cu e famianan di e

victimanan, segun un otro residente di ken su famia ta entre esnan secuestra. "Tabatin tin un cas unda 20 hende a ser secuestra," el a bisa. E hombernan arma a opera cu impunidad, sin cualkier presencia di seguridad pa combatinan, el a agrega.

Secuestronan a bira comun den algun parti di Nigeria, unda decenas di gruponan arma ta probecha di e pres-

encia di seguridad limita pa organisa atakenan riba pueblonan y riba camindanan grandi. Mayoria victima ta ser libera solamente despues di haya pago di rescate cu tin bi-aha ta alcanza miles di dollar.

E ehercito ta aumentando esfuerso pa atende na e retornan di seguridad den e parti norte di e pais, segun e hefe di ehercito di Nigeria, Olufemi Oluyede, a bisa dialuna.